

Գերագույն հոգևոր խորհուրդը հանդես եկավ հայտարարությամբ

ՄԱՅՐ ԱԹՈՒ ՍՈՒՐԲ ԷԶՄԻԱԾՆԻ ԿՐՈՆԱԿԱՆ, ՄՇԱԿՈՒԹԱՅԻՆ, ԼՐԱՏՎԱԿԱՆ ԵՐԿՇԱԲԱԹԱԹԵՐԹ



Ն. Ս. Օ. Տ. Տ. Գարեգին Բ Ամենայն Հայոց Կաթողիկոսի շնորհավորական ուղերձը Հանրապետության տոնի առիթով

Մայր Աթոռ Սուրբ Էջմիածնից հայրապետական Մեր օրհնությունն ու շնորհավորանքն ենք հղում համայն մեր ժողովրդին ի հայրենիս և ի սփյուռս՝ Հանրապետության տոնի առիթով:

Հայաստանի առաջին Հանրապետության հիմնադրումը նշանավորելով՝ հիշում ենք Սարգսյանների, Ղառաբիխյանի ու Բաշ Ապարանի հերոսամարտերը: Այդ պատմական գոյամարտերում վճռորոշ դերակատարություն ունեցավ Ամենայն Հայոց Գևորգ Հինգերորդ Կաթողիկոսը: Կենսագրության պայքարում մեր ժողովրդի քաջարի զավակները՝ այդ թվում մեր Սուրբ Եկեղեցու հոգևորականները, հաղթանակ տարան և սերունդների համար ապահովեցին հարազատ հողում անկախ ու ազատ ապրելու արդար իրավունքը: Նույն անվեհեր ոգով ազգին նվիրյալ զավակները նոր ժամանակներում անձնվիրաբար պաշտպանեցին երկիր հայրենին, շատերն իրենց անգին կյանքը գոհեցին մեր պետականության անասանության և անվտանգ ու արժանապատիվ ապագայի համար: Այսօր մենք ազգովի գլուխ ենք խոնարհում մեր հերոսների առջև և անմար պահում նրանց լուսավոր հիշատակը մեր սրտերում:

Երկա բարդ ժամանակներում, արտաքին ու ներքին մարտահրավերներին հանդիման, պիտի միաբանվենք և միասնաբար հզորացնենք մեր պետությունը, ծաղկուն ու շեն դարձնենք համայն հայոց կյանքը:

Թող Բարձրյալ Տերը առատապես օրհնի և հաստատուն պահի մեր երկիրն ու քրիստոսասեր մեր ժողովրդին ի Հայաստան և ի սփյուռս այսօր և միշտ. ամեն:

Գերագույն հոգևոր խորհուրդը հանդես եկավ հայտարարությամբ

Մայիսի 19-ին Մայր Աթոռ Սուրբ Էջմիածնում, Ն. Ս. Օ. Տ. Տ. Գարեգին Երկրորդ Ծայրագույն Պատրիարք և Ամենայն Հայոց Կաթողիկոսի նախագահությամբ, տեղի ունեցավ Գերագույն հոգևոր խորհրդի ժողովը:

Ժողովի օրակարգում ընդգրկված էին Եկեղեցական-ներկայացուցչական ժողովի գումարմանը, երկրի առջև ծառայած արտաքին և ներքին մարտահրավերներին, հակաեկեղեցական արշավին, ապօրինաբար ազատագրված Եկեղեցականների և մյուս հայորդիների նկատմամբ ընթացող իրավական գործընթացներին, կիրակնօրյա դպրոցների դասագրքերի պատրաստման ուղեցուցիչներին, ՀՀ Ձիմված ուժերում և քրեակատարողական հիմնարկներում իշխանության նախաձեռնությամբ հոգևոր ծառայության դադարեցման առնչվող հարցեր:

Օրակարգային հարցերի շրջանակում ԳՀԽ-ն անդրադարձավ նաև ԵՏԽՎ նախընտրական պատվիրակության՝ մայիսի 13-ին իրապարակած միջանկյալ հայտարարությանը, ՀՀ խորհրդարանական ընտրություններին ընդառաջ երկրում ստեղծված մտահոգիչ իրավիճակին և նախընտրական շրջանում արձանագրված դատապարտելի երևույթներին, որոնց առնչությամբ հանդես եկավ հայտարարությամբ:

«Գերագույն հոգևոր խորհուրդը խորապես մտահոգված է ՀՀ առաջին խորհրդարանական ընտրությունների նախաշեմին քարոզարշավի ընթացքում քարոզչական անընդունելի միջոցների, այդ թվում՝ բռնաճնշումների, ոչ իրավաչափ ուժի կիրառման առնչությամբ: Տեղ գտնող թշնամանքի ու ատելության խոսույթը, անվայելուչ և անպարկեշտ բռնապաշարը միմյալ պատասխանում և առավել բևեռացնում են մեր հասարակությանը՝ ժողովրդի մեջ առաջ բերելով ընդվզում, հիասթափություն և մոր լարվածություն, նաև լրջագույն սպառնալիքներ ստեղծելով հայոց պետականության համար:

Անթույլատրելի և դատապարտելի ենք նկատում հանուն քաղաքական սեփական նկրտումների՝ Եկեղեցու և Եկեղեցականության թիրախավորման քայլերը, ինչպես և Հայոց Եկեղեցին բաղադրական գործընթացների մեջ արհեստականորեն ներքաշելու փորձերը:

Այս լուսի մերքո խիստ տարակուսելի է ԵՏԽՎ նախընտրական պատվիրակության՝ մայիսի 13-ի միջանկյալ հայտարարության մեջ Հայաստանյայց Առաքելական Սուրբ Եկեղեցու «քաղաքականության մեջ աննախադեպ ներգրավվածության» վերաբերյալ արձանագրված գնահատականը, որը նկատում ենք ապատեղեկատվությամբ ուղղորդյալ և ամբողջովին հակասող ԵՏԽՎ 2026 թ. հունվարի 25-ի թիվ 2633 (2026) բանաձևին:

Փոխարենը՝ Մայր Աթոռ Սուրբ Էջմիածնից ԵՏԽՎ-ից ակնկալում է հստակ գնահատականներ Հայաստանում Հայոց Եկեղեցու դեմ իշխանությունների սանձազերծած արշավի, հակառակ երկրի օրենսդրական կարգավորումների և միջազգային իրավունքի՝ պետական լծակների բացահայտ գործադրմամբ շարունակաբար դրվող արգելքների և սահմանափակումների առնչությամբ, որոնք ուղղակի խոչընդոտներ են հարուցում Եկեղեցու հոգեխնամ առաքելության մեջ: Հասցեական արձագանքի են կարող անօրինական այնպիսի գործողությունները,



ինչպիսիք են՝ հարկադրանքի միջոցներով և սպառնալիքներով Եկեղեցականների վրա ներագդելու, մի շարք հոգևորականների նկատմամբ ապօրինի քրեական վարույթներ նախաձեռնելու, Եկեղեցական կանոնակարգից շեղված հոգևորականներին խրախուսելու, առանձին բախանանքի հետ ապօրինի աշխատանքային պայմանագրեր կնքելու, իսկ կարգալուծներին պետական հովանավորմամբ հոգևոր ծառայության նշանակելու դատապարտելի դեպքերը, որոնք ուղղակիորեն ոտնահարում են ինչպես Հայաստանյայց Առաքելական Սուրբ Եկեղեցու, այնպես և մարդու հիմնարար ազատություններն ու իրավունքները:

Միջազգային պատկան կառույցների և իրավապաշտպան կազմակերպությունների արդարամիտ արձագանքի են սպասում նաև աշխարհասփյուռ Հայոց Եկեղեցու ինքնակառավարմանը միջամտելու՝ իշխող քաղաքական ուժի հակաիրավական գործողությունները և հատկապես՝ «Քաղաքացիական պայմանագիր» կուսակցության նախընտրական ծրագրում Եկեղեցու ազգընտիր Հայրապետի գահընկեցության ճանապարհով Եկեղեցու «բարենորոգման» մասին արձանագրված հավակնությունները. մի քայլ, որ ևս հակակառնական է և հակաօրինական:

Գերագույն հոգևոր խորհուրդը հարկ է նկատում վերստին արձանագրել, որ Եկեղեցուց և Եկեղեցական իրավասու մարմիններից դուրս որևէ կառույց՝ անգամ պետական ու քաղաքական իշխանությամբ օժտված, չի կարող իրականացնել Եկեղեցական կյանքի «բարենորոգում»:

Ընտրությունների արդյունքում ժողովրդի շնորհած վստահության քվեն բացառապես կարող է օգտագործվել պետական ինքնիշխանությունն ամրապնդելու, երկրի սահմանների անձեռնմխելիությունն ապահովելու, ազգային ինքնությունը զորացնելու և հանրային համերաշխությունը վերականգնելու համար:


Հայոց պետությունն իր ազգակերտ առաքելությամբ բոլոր ժամանակներում եղել է ամուր պատվարը մեր ինքնության, խարխիլը մեր հարատևության: Հայոց անկախ պետականությունը պետք է խոհեմությամբ, նվիրումով ու նախանձախնդրությամբ փայփայել և արկածախնդրություններով երբևէ վտանգի չենթարկել:

Թող երկնավոր Տերը մշտամնա Իր օրհնության ներքո խաղաղության ու անվտանգության մեջ պահի երկիրը Հայոց և Իր լուս պատվիրաններով համայն հայ ժողովրդին առաջնորդի միմյալ աստվածահաճ, հայրենաշեն և ազգօգուտ շավիղներով»:

Հանրապետական մատչանք և այց Սարգսյանների հուշահամալիր Հանրապետության տոնի առիթով

Մայիսի 28-ին Հանրապետության տոնի առիթով, Ն. Ս. Օ. Տ. Տ. Գարեգին Երկրորդ Ծայրագույն Պատրիարք և Ամենայն Հայոց Կաթողիկոսի հանդիսապետությամբ, Միածնաէջ Մայր Տաճարում կատարվեց Հանրապետական մաղթանք: Հոգևորականաց դասը և ներկա ժողովուրդն աղոթք բարձրացրին առ Աստված Հայաստանի Հանրապետության անասանության, խաղաղ ու անվտանգ կյանքի համար:

Նույն օրը Նորին Սրբություն Գարեգին Երկրորդ Ամենայն Հայոց Կաթողիկոսը Մայր Աթոռ Սուրբ Էջմիածնի միաբանների ուղեկցությամբ այցելեց Սարգսյանների հուշահամալիր: Հուշակոթողի առջև ծաղկեպսակ զետեղելուց հետո հոգևորականաց դասը Հայոց Հայրապետի գլխավորությամբ, աղոթք բարձրացրեց առ Աստված՝ մայիսյան հերոսամարտերում նահատակված քաջարի հայորդիների հոգիների հանգստության համար:



Ն. Ս. Օ. Տ. Տ. Գարեգին Բ Ամենայն Հայոց Կաթողիկոսի ուղերձը Արարատյան շաբաթվա առիթով

Միջերկրյա բարեկարգության խնդիրը Մեր Մայր Աթոռ Սուրբ Էջմիածնից հղում ենք ձեռք հայրապետական Մեր օրհնությունը, սերն ու բարեմայությունները:

Փառաբանական աղոթքով առ Բարձրյալն Աստված հունիսի 1-ին մուտք ենք գործում Արարատյան տունների շաբաթ, որն առանձնահատուկ կարևորություն ունի ազգային-եկեղեցական մեր կյանքում: Հանդիսավոր թափոններով և Սուրբ Պատարագների արարողություններով, երկրպագության նպատակով սրբերի մատուցման օրերում քրիստոնեական հիշատակելու ենք Սուրբ Հռիփսիմյանց ու Գայանյանց կույսերի մարտիրոսությունը, Սուրբ Գրիգոր Լուսավորչի երբեք Վիրասպից, Հայոց մեծ դարձը և Տրդատ արքայի հրովարտական շարժումները քրիստոնեության պետական կրոն հռչակումը: Արարատյան շաբաթվա ավարտին՝ հունիսի 7-ին, նշելու ենք տոներ Սուրբ Էջմիածնի Մայր Տաճարի, որը վեր խոյացավ հայոց հողի վրա 1725 տարի առաջ Աստվածորոյունով: Գաղթական այս իրադարձություններով, Սուրբ Էջմիածնով հայոց ազգը արժանացավ Աստծո ընտրյալ ժողովուրդ լինելու երկնային շնորհին, քրիստոնեական արժեքներով հարստացավ անբախտ հիմք ու առանցք մեր լինելության ու հարատևության համապատասխան տարբերակի վկայություն:

«Դուք ընտիր ցեղ եք, թագավորություն, քահանայություն, սուրբ ազգ, Աստծու սեփական ժողովուրդ» (Ա Պետ. 2.9): Սուրբ Էջմիածինը հավերժական խորհրդով եղել է աշխարհասփյուռ իր գավախների հավատքը գործողը, հույան առաստացնողը, քրիստոսանվեր ու հայրենակներ կյանքի երաշխիքը, օրհասական պահերին հանձնառու եղել ամեն գոհողության՝ հանուն իր խնամքին հանձնված հողի: Սուրբ Էջմիածինը կրթական, մշակութային, հոգևորական մեծագույն նվաճումների ներշնչարանն ու գրավական է, անխորտակելի ամրոցը մեր ազգային ու հոգևոր ինքնության և առհավատյան հոգևոր ժառանգության և պատմական հիշողության անխաթար պահպանության: Սուրբ Էջմիածինը, ծանր փորձությունների միջով անցնելով, մնացել է աննկուն ու անխորտակելի՝ մշտապես լինելով անբռնելի ու բարձրահունջ կոչմանը ազգի ու հայրենյաց շահերի և մեր ժողովրդի միաբանության: Սուրբ Էջմիածնի հիմնադրման տոնակատարումը, սիրելիներ, ամենքիս համար ստիժ է՝ վերստին վկայելու մեր սերն ու անդամական հավատարմությունը հանդեպ մեր Սուրբ Եկեղեցին և քրիստոսահաստատ հայոց հոգևոր կենտրոն Սուրբ Էջմիածինը՝ համաձայն ստիժներգուի խոսքի. «Տե՛ր, սիրեցի Բո տան վայելությունը և Բո փառքի բնակություն վայրը» (Մաղմ. 25.8):

Սուրբ Էջմիածնի տունն այս օրերին, ցավով, նշելու ենք մի իրավիճակում, երբ ծանր կորուստները խոտովել են մեր ժողովրդի անդորրը, երբ հարվածներ են հասցվում մեր ժողովրդի ինքնության հիմքերին, աղճատվում հոգևոր և ազգային արքայական խորհրդանիշերը: Սուրբ Էջմիածնի տունը նշելու ենք խորապես մտահոգող պայմաններում. պառակտված է մեր հասարակությունը, հայրենական անդամատանում սերմանվում են առեղծված, թշնամանք, անհանդուրժողություն ու անարդարություն, և իշխանությունների միջամտությամբ խեղվում են Եկեղեցու դարավոր կանոնակարգերը, հետապնդումների ու բռնաճնշումների են ենթարկվում մեր Սուրբ Եկեղեցին և եկեղեցական անձինք: Այս դժվարին իրադրության մեջ Սուրբ Էջմիածնի լուսնունդը խորհուրդը մշտաբարբառ հրավեր է մեզ՝ ամուր կաշած մնալու քրիստոնեական մեր հավատքին, վերագտնելու ազգային ոգու տոկունությունը, հաղթահարելու ներազգային բաժանումները, բժշկելու վերքերը և վերականգնելու մեր ժողովրդի ներքին խաղաղությունն ու անդորրը: Հունիսի 7-ին Սուրբ Էջմիածնի տունի նվիրական օրը, մեր երկրում տեղի են ունենալու խորհրդարանական ընտրությունները: Հայրապետիս հորդորն է ամենքիդ անխաթար առաջիկա կիրակի մասնակցել ընտրություններին՝ ազգի և հայրենիքի շահերի բարձր գիտակցությամբ, լուսավոր գալիքի տեսլիքով և սերունդների նկատմամբ պատասխանատվությամբ, որպեսզի մեր երկրում գերակայի օրենքը, հարգվեն մարդու իրավունքներն ու արժանապատվությունը, տիրապետեն արդարությունն ու ճշմարտությունը, սերն ու համերաշխությունը և փոխադարձ հարգանքը՝ «դե՛ն գցելով ամեն չարություն, ամեն նենգություն, կեղծավորություններ, նախանձ և ամեն չարախոսություն»,- ինչպես պատգամում է ստաքայր (Ա Պետ. 2.1):

Կոչ ենք ամուր քաղաքական ուժերին գերծ լինել առեղծված խոսքից, դրսևորել զգոնություն ու շրջահայացություն և հեռու պահել մեր ժողովրդին հնարավոր անցանկալի զարգացումներից: Մեր հորդորն է իրավապահ համակարգի ներկայացուցիչներին՝ անհրաժեշտ բոլոր պայմաններն ապահովել արդար ընտրությունների անցկացման և մեր հայրենակիցների ազատ կամարտահայտության համար: Հայոց ենք բարձրացնում առ Աստված մեր հայրենիքի անասանության ու վերագարթոնքի և աշխարհասփյուռ մեր ժողովրդի բարօրության համար: Աղոթում ենք, որ Տիրոջ անբավ ողորմությամբ հայրենաբնակ մեր գավախների նոր ընտրությունը ծառայի միմիայն ի բարին, ի սեր ազգիս ապահով, խաղաղ և առաջընթաց կյանքի:

Ն. Ս. Օ. Տ. Տ. Գարեգին Բ Ամենայն Հայոց Կաթողիկոսի օրհնության խոսքը Արագածոտնի թեմի հիմնադրման 30-ամյակի առիթով

Մայր Աթոռ Սուրբ Էջմիածնից հայրապետական Մեր օրհնությունն ու բարեմայություններն ենք բերում Արագածոտնի թեմի բարեխան առաջնորդ Գերաշնորհ Տ. Մկրտիչ եպիսկոպոս Պռոշյանին, հոգևոր դասին, թեմական, ծխական և վարչական խորհուրդների հարգարժան անդամներին ու հավատավոր գավախներին՝ Արագածոտնի տիրախնամ թեմի հիմնադրման 30-ամյակի առիթով: Ուրախությամբ ենք անդրադարձնում, որ անցած երեք տասնամյակներում թեմը բարեկարգվել է համայնքային կյանքի աշխուժացմամբ, եկեղեցաշինությամբ, սրբավայրերի նորոգությամբ: Գովելի է, որ եկեղեցականների և նրանց լծակից աշխարհականների միասնական ջանքերով առավել աշխուժացել են թեմի հոգևոր, կրթական և ազգային նախաձեռնությունները, գորացել է ժողովրդի կապը Սուրբ Եկեղեցու հետ, նոր շունչ է ստացել վանական կենցաղավարությունը:

Անցած երեք տասնամյակների ընթացքում նաև նախաձեռնվել է աշխատանք է իրականացվել ազգային-եկեղեցական արժեքների պահպանության, նոր սերնդի քրիստոնեական դաստիարակության, երիտասարդական միությունների եռանդուն գործունեության, ինչպես նաև սոցիալապես անապահով ընտանիքներին գորակցություն ցուցաբերելու ուղղությամբ: Թեմի եկեղեցիները՝ որպես աղոթքի, համախմբման, Տիրոջ շնորհների բաշխման նվիրական սրբատեղիներ, շարունակում են գորացնել մեր ժողովրդի հավատը և նորոգել նրա հոգևոր կյանքը: Միջերկրյա, Արագածոտնի թեմը, հիդրավի, առանձնահատուկ խորհուրդ և կոչում ունի մեր Եկեղեցու և ժողովրդի կյանքում: Այս օրհնյալ թեմի տարածքում է ամփոփված մեծագույն վարդապետ Սուրբ Մեսրոպ Մաշտոցի սնունդը, որի տեղումնապարզ և առաքելությունը հայոց գրեթե գյուտով դարձավ մեր

ազգի հավատի և ինքնության ամրոցը, մեր հարատևության անխորտակելի ամուր վեճը: Գոհունակ սրտով փառաբանում ենք Ամենակալ Աստծուն, որ Արագածոտնի թեմի հոգևոր պատասխանները՝ որպես Տիրոջ անդաստանի քաջապիտու մշակներ, մերտապես ոգով են հոգատար ծառայություն բերում հավատացյալ ժողովրդին և անխախտ են պահում իրենց հավատարմությունը եկեղեցական կարգաց ու կանոնաց և աստվածակերտ Սուրբ Էջմիածնին: Միջերկրյա, Արագածոտնի թեմի հիմնադրման 30-ամյակի բարեկարգ առիթով վերստին հայրապետական Մեր բարձր գնահատանքն ենք բերում թեմի բարեխան առաջնորդ Գերաշնորհ Տ. Մկրտիչ եպիսկոպոս Պռոշյանին, ծառայատեր հոգևորականներին և պատվարժան վարչականներին, հայրական Մեր սերը՝ հավատավոր բարեկարգ հայրողիներին:

Աղոթում ենք, որ Բարեբար Աստված Իր ամենագոր Աջով շեն ու անասան պահի Արագածոտնի թեմը, նրա սրբավայրերը, քաջարի հովիվներին և աստվածասեր ժողովրդին՝ առավել գորացնելով հավատի, հույսի և սիրտ մեջ: Թող այս երեսնամյա փաստակը մշտանորոգ հաջողություններով պասկվի, և թեմի արդյունաշատ գործունեությունը կենդանի վկայություն լինի Հայ Եկեղեցու անապատ կենսունակության, ազգապահպան առաքելության ու հոգևոր արթնության: «Այնպես լուսաորեսցե լոյս ձեր առաջի մարդկան, որպեսզի տեսնեն զգործս ձեր բարիս և փառալուրեսցեն զՀայր ձեր, որ յերկինս է» (Մատթ. Ե 16): Թող Տիրոջ առատ շնորհները մշտապես հովանի լինեն Արագածոտնի թեմին և նրա հավատավոր գավախներին այսօր և միշտ. ամեն:

Մայր Աթոռում տեղի ունեցավ քահանայից ժողով

Մայիսի 26-ին Մայր Աթոռ Սուրբ Էջմիածնում, նախագահությամբ Ն. Ս. Օ. Տ. Տ. Գարեգին Երկրորդ Ծայրագույն Պատրիարք և Ամենայն Հայոց Կաթողիկոսի, տեղի ունեցավ քահանայից ամենամյա ժողովը, որին մասնակցում էին թեմակալ առաջնորդներ, Մայր Աթոռ Սուրբ Էջմիածնի միաբաններ, թեմերում և եկեղեցական տարբեր կառույցներում սպասավորող շուրջ 200 քահանա հայրեր: Մինչ հավաքը հոգևոր դասը, Ամենայն Հայոց Կաթողիկոսի օրհնությամբ, Միածնաէջ Մայր Տաճարում մասնակցեց ճաշու ժամերգությանը, որից հետո Գևորգյան հոգևոր ժեմարանի հանդիսությունների դահլիճում ժողովն սկսեց իր աշխատանքը: Հավաքը բացվեց քահանայից հավաքների կազմակերպիչ հանձնախմբի նախագահ Գերաշնորհ Տ. Մուշեղ եպիսկոպոս Բաբայանի ողջույնի խոսքով: Այնուհետև ներկա հոգևոր դասին ներկայացվեց ամենամյա քահանայից հավաքների 10 տարվա համառոտ պատմությունը, ձեռքբերումները, նախաձեռնություններն ու այն

կարևոր ուղեցույցները, որոնք առավել արդյունավորեցին եկեղեցականների հոգևոր ծառայությունը: Այնուհետև եկեղեցականներին իր հայրական օրհնությունն ու պատգամը բերեց Ամենայն Հայոց Կաթողիկոսը՝ ավանդական դարձած քահանայից ժողովները պատեհ առիթ նկատելով Մայր Աթոռ Սուրբ Էջմիածնի խորհրդով գորանալու, աղթական մթնոլորտում միասնաբար խորհրդածելու Սուրբ Եկեղեցու հոգևոր առաքելության արդյունավորման շուրջ, այլև քննարկելու հոգևոր սպասավորության ճանապարհին տեղ գտնող խնդիրները, ինչպես և ժողովրդի ու հայրենիքի առջև ծառայած մարտահրավերների դիմագրավման ուղիները: Ապա անդրադառնալով աշխարհում տեղ գտած ցնցումներին ու հատկապես տարածաշրջանում պատերազմական գործողություններին, որոնք իրենց ուղղակի և անուղղակի ներգործությունն ունեցան մաս ազգային և հայրենակալ կյանքի վրա, Նորին Սրբությունը խոր մտահոգությամբ



Հայտնեց ՀՀ իշխանությունների կողմից իրականացվող հակաեկեղեցական արշավի, անհիմն մեղադրանքներով եկեղեցականաց դեմ հավաքանքների, եկեղեցու ինքնավարությունը խաթարող միջամտությունների առնչությամբ: ➔ էջ 3


Մայր Աթոռում տեղի ունեցավ քահանայից ժողով

← էջ 2

«Արդարադատության ոտնահարմամբ նորանոր անօրինական արգելքներ են հարուցվում նաև հովվական առաքելության մեջ, զավթված են պահվում սրբավայրերը, առանձին եկեղեցիներում կարգալույծ անձինք իրենց հակակառնական, սրբապիղծ գործողություններով շարունակում են խռովել հավատացյալների հոգևոր զգացումները, արճատել կրոնաժխական կյանքը:

Ունայնամտություն է սանձագերծված բռնաճնշումները հիմնավորվել Յայոց եկեղեցու, այսպես կոչված, բարենորոգման ծրագրի իրականացման անհրաժեշտությամբ»,- նշեց Վեհափառ Յայրապետը՝ ցավ արտահայտելով, որ հանրությանը մատուցվող հիշյալ ծրագրի իրագործմանը կեղծ պատճառաբանություններով լծվել են նաև մի շարք բարձրաստիճան եկեղեցականներ և թեմերի քահանաներ, իսկ որոշ հոգևորականներ կանայական կարգով ծառայությունների մատուցման պայմանագրեր են կնքել Պաշտպանության նախարարության և Արդարադատության նախարարության Քրեակատարողական ծառայության հետ՝ ոտնահարելով Մայր Աթոռի իրավունքները, ինչը, անտարակույս, ունենալու է կարգապահական հետևանքներ:

Իշխող ուժի որդեգրած եկեղեցափառ քաղաքականության առնչությամբ Յայոց Յայրապետը հարկ համարեց, որ քահանա հայրերը շարունակաբար հանդես գան սպառնիչ պարզաբանումներով, որպեսզի հավատավոր ժողովուրդը չտրվի կեղծ և անհիմն մեղադրանքների ազդեցությանը. «Հստակ է՝ իշխանությունները նպատակ են հետապնդում ամեն գնով պառակտելու, տկարացնելու եկեղեցին, խոչընդոտելու



եկեղեցու ազգաշահ, արդյունավետ գործունեությունը և նվազեցնելու նրա դերակատարությունը մեր ժողովրդի կյանքում, հատկապես՝ ազգային ինքնության, պատմական հիշողության և նվիրագործված արժեքների պահպանման հարցում»:

Խոսելով իշխող կուսակցության նախընտրական ծրագրում ներառված՝ եկեղեցու հոգևոր պետի հեռացման և այլ գործողությունների նախատեսումով, այսպես կոչված, «բարենորոգման» օրակարգի մասին՝ Ամենայն Յայոց Կաթողիկոսն ընդգծեց. «Հոգևոր կյանքի վերաբերյալ նման մոտեցումը հակասահմանադրական է ու դատապարտելի, հակասում է մեր Սուրբ Եկեղեցու կանոնական սկզբունքներին և ուղղակի միջամտություն է եկեղեցու ինքնակառավարմանը՝ դրանից բխող բոլոր հետևանքներով: Արհեստաժին «բարենորոգման» ծրագիրը կեղծ օրակարգ է: Եկեղեցու բարենորոգումը չի կարող իրականացվել իշխանության

ճնշմամբ ու թելադրանքով ուղեկցվելով նաև բացահայտ գրաբարություններով ու կեղծիքներով: Եկեղեցու բարեփոխությունը մշտական ներքին գործընթաց է՝ հիմնված բացառապես եկեղեցու՝ դարերով ամրագրված կանոնակարգի վրա, վավերացված եկեղեցական ժողովական մարմինների կողմից: Ուստի, պիտի ամեն ջանք ի գործ դնենք պաշտպանելու մեր Սուրբ Եկեղեցու պատմականորեն կանոնակարգված, ինչպես և ՀՀ օրենսդրությամբ, միջազգային հռչակագրերով երաշխավորված իրավունքները և կանխելու եկեղեցու կյանքում այսօրինակ վտանգավոր նախադեպերի ստեղծումը»:

Դիմելով հոգևոր սպասավորներին՝ Նորին Սրբությունը հաստատեց, որ առկա փորձությունները պետք է հաղթահարել արժանապատվորեն, եկեղեցական կանոնների անշեղ հարգումով ու կարգապահությամբ, Սուրբ Եկեղեցու և նախնայաց ավանդների նկատմամբ հավատարմությամբ:

«Ամենքս այսօր պարտավորությունն ունենք առաջին հերթին եկեղեցու մարմինը անխաթար, ամբողջական ու միասնական պահելու և թույլ չտալու, որ արտաքին միջամտություններով պառակտվի եկեղեցին:

...Մայր Տաճարի խորանի առջև կատարած ուխտի հանդեպ հավատարմությունը պետք է առաջնորդի ամենքս մեր բոլոր որոշումներում և քայլերում, որպեսզի եկեղեցին, անսասան իր կոչման մեջ, հավետ լինի անլուծելի կոչմանը աստվածահաճո կյանքի, քաջարի ջատագովը արդարության ու ճշմարտության,

աննկուն պաշտպանը Քրիստոսի հետևորդների շահերի և իրավունքների: «Արթուն կացեք, հաստատուն մնացեք հավատի մեջ, քաջ եղեք, զորացեք»,- պատգամում է առաքյալը (Ա Կորնթ. 16. 13): Այս գիտակցությամբ շարունակեք հովվական խնամք տանել և հոգավ կարիքները մեր ժողովրդի զավակների, քաջալերել ընթանալ աստվածսիրության շավիղներով, մերժել ազգավնաս գաղափարներն ու գործողությունները»,- նշեց Նորին Սրբությունը՝ մաղթելով քահանա հայրերին ազգագուտ ու բարեբեր ծառայություն և բարձրորեն զնահատելով այս դժվարին օրերին նրանց դրսևորած քաջարի ոգին, հաստատականությունն ու նախանձախնդրությունը մեր Սուրբ Եկեղեցու կանոնակարգության ու միության պահպանման նկատմամբ:

Վերջում Վեհափառ Յայրապետը հայցեց, որ Տերը խաղաղության ու ապահովության մեջ պահի հայրերի երկրին ու աշխարհափյուռ հայությանը և անսասանություն ու հավետ պայծառություն շնորհի Մայր Աթոռ Սուրբ Էջմիածնին:

Ապա ժողովի ընթացքում «Եկեղեցում առկա հիմնախնդիրների վերհանումը» զեկույցով հանդես եկավ Արագածոտնի թեմի Սարդոսավանքի հոգևոր հովիվ Արժանապատիվ Տ. Փառեն քահանա Առաքելյանը, իսկ «Համացանցային քարոզչության արդյունավետության բարձրացմանն ուղղված քայլերը» զեկույցով՝ Գուգարաց թեմի Վանաձորի Սուրբ Աստվածածին եկեղեցու հոգևոր հովիվ Արժանապատիվ Տ. Տաճատ քահանա Բարսեղյանը:

Ներկայացված բանախոսությունների շուրջ ծավալվեցին քննարկումներ, եկեղեցականները ներկայացրին իրենց դիտարկումներն ու առաջարկները՝ հովվական ծառայության առավել արդյունավորման առնչությամբ:

Ժողովը փակվեց «Պահպանիչ» աղոթքով:

Քահանայից ժողովի հայտարարությունը

Մենք՝ Հայաստանյայց Առաքելական Սուրբ Եկեղեցու հայաստանյան թեմերում սպասավորող քահանաներս, բարձր նախազգիտությամբ Ն. Ս. Օ. Տ. Տ. Գարեգին Երկրորդ Սայրազույն Պատրիարք և Ամենայն Հայոց Կաթողիկոսի, մայիսի 26-ին՝ Ավարայրի ճակատամարտի խորհրդանշական օրը, համախմբված Մայր Աթոռ Սուրբ Էջմիածնում, գոհությամբ և փառք ենք վերաբերում Ամենակալ Աստծուն՝ համատեղ աղոթքի և եղբայրական ոգով մեր սրբազան առաքելության շուրջ մտորելու առիթի համար:

Առաքելական քարոզչությամբ հաստատված Հայոց Եկեղեցին Աստծո բարեխնամ հայացքի ներքո շարունակում է անշեղորեն ծառայել հայ ժողովրդին ի հայրենիս և ի սփյուռս՝ գորսցնելու բարեկաշտ մեր ժողովրդի հավատքը, նախանձախնդրությամբ հետամուտ լինելու ազգային ինքնության պահպանությանը, նպաստելու հայեցի կրթությանն ու դաստիարակությանը և տիրավանդ իր առաքելությամբ լինելու ճշմարտության ու արդարության ձայնը մեր հասարակության մեջ:

Հայոց Եկեղեցու համար դժվարին այս օրերին, երբ Հայաստանում պետական լծակների կիրառմամբ իրականացվող հակակեղեցական գործողություններով փորձ է արվում վերատեսության ենթարկելու եկեղեցական դարավոր կարգն ու կանոնը, հրաժարական պարտադրելու Ամենայն Հայոց Կաթողիկոսին, և Եկեղեցին, ըստ էության, ենթարկվեցնելու քաղաքական իշխանությանը, վճռականորեն հայտարարում ենք, որ Հայաստանյայց Առաքելական Սուրբ Եկեղեցու ինքնակառավարումը, կանոնական կարգն ու ներքին կյանքը ենթակա չեն որևէ քաղաքական ուժի կամ պետական մարմնի թելադրանքի: Հակաօրինական և հակասահմանադրական այս արշավն ուղղակիորեն



վտանգում է համազգային մեր համերաշխությունն ու հասարակական կայունությունը, լրջորեն հարվածում նաև հայոց պետականության հիմքերին:

Միաժամանակ, խիստ դատապարտելի ենք համարում կարգալույծ հռչակված անձանց կողմից պետական հովանավորությամբ հակականոնական ու սրբապիղծ գործողությունները, վանքերի ու եկեղեցիների, եկեղեցական կառույցների ու միջոցների բռնազավթումն ու սպորինի գործածումը: Մա ոչ միայն կանոնական կարգի կոպիտ խախտում է, այլև միտումնավոր փորձ՝ ներսից խարխլելու եկեղեցական միաբանությունը: Ցավով ենք արձանագրում նաև, որ որոշ քահանա հայրեր ներգրավվում են այս պառակտիչ գործընթացներում՝ դառնալով հակակեղեցական ձեռնարկների կամաթե ակամա գործակիցներ: Նման ընթացքը խորթ է քահանայական ուխտին և չունի հոգևոր, բարոյական ու կանոնական, այլև

մարդկային որևէ արդարացում: Կոչ ենք ուղղում մեր եղբայրներին՝ վերատեսության ենթարկելու իրենց խոտորյալ ընթացքը և բացառելու կանոնազանց գործողությունները:

Գոհությամբ ենք հայտնում առ Աստված, որ աշխարհափյուռ մեր ժողովուրդը հաստատական է իր հավատարմության մեջ առ Սուրբ Էջմիածինը և վճռական՝ պաշտպանելու Հայոց Եկեղեցու իրավունքներն ու արժանապատվությունը: Յուրաքանչյուր փորձ՝ խաթարելու Մայր Աթոռ Սուրբ Էջմիածնի ինքնիշխանությունը, ոտնահարելու եկեղեցական կարգը կամ նսեմացնելու Ամենայն Հայոց Հայրապետի աստվածահաստատ իշխանությունը, բխվելու է համայն հավատավոր ժողովրդի և ուխտապահ ողջ եկեղեցականության հաստատուն ու անսասան դիմադրությանը:

Հայաստանում առաջիկա ընտրությունների և քաղաքական իրադարձությունների համատեքստում կոչ ենք ուղղում մեր

հավատավոր ժողովրդին՝ դրսևորելու պատասխանատու վերաբերմունք, զերծ մնալու սպորինությունից, ատելության խոսքից ու սպաստեղեկավորության տարածումից և նպաստելու հասարակական համերաշխության կայացմանը:

Հավատարիմ լինելով մեր ուխտին և մյուռոնաբաշխ Սուրբ Էջմիածնին՝ որդիական մեր անվերապահ գորակցությունն ենք հայտնում Ն. Ս. Օ. Տ. Տ. Գարեգին Երկրորդ Ամենայն Հայոց Կաթողիկոսին՝ փորձության այս օրերին հայրապետական խնաստությամբ, հոգևոր արիությամբ և խաղաղ հաստատականությամբ Հայաստանյայց Առաքելական Սուրբ Եկեղեցին առաջնորդելու համար:

Առ Աստված սպասվելությամբ հայցում ենք, որ Տերն Բր աննախնամ Աջր տարածի մեր ժողովրդի, մեր հայրենիքի և Սուրբ Եկեղեցու վրա՝ պահելով Հայաստանը խաղաղ, Հայոց Եկեղեցին՝ անսասան, և մեր հավատքը՝ անխախտ:

Եպիսկոպոսական ձեռնադրություն և օծում Մայր Աթոռ Սուրբ Էջմիածնում

Մայիսի 24-ին Միածնաէջ Մայր Տաճարում հրնթացա Սուրբ և Ամենա Պատարագի տեղի ունեցավ եպիսկոպոսական ձեռնադրություն և օծում: Ձեռնաքնն. Ս. Օ. Ս. Տ. Տ. Գարեգին Երկրորդ Շայրագույն Պատրիարք և Ամենայն Հայոց Կաթողիկոսի եպիսկոպոսության աստիճանի արժանացան Գեղարքունյաց թեմի առաջնորդական տեղապահ Հոգեշնորհ Ս. Իսահակ վարդապետ Պողոսյանը, Մայրապետի թեմի առաջնորդական տեղապահ Հոգեշնորհ Ս. Ռուբեն վարդապետ Ջարգարյանը, Մայր Աթոռ Սուրբ Էջմիածնի լուսարարապետ Հոգեշնորհ Ս. Անանիա վարդապետ Ճատուրյանը և Մայր Աթոռի Քարոզչական կենտրոնի տնօրեն Հոգեշնորհ Ս. Ջաքարիա ծայրագույն վարդապետ Բաղդասյանը:



Սրբազան արարողությունների առիթով Սուրբ Էջմիածին էին ժամանել Հայ Եկեղեցու թեմակալ առաջնորդներ, Գերագույն հոգևոր խորհրդի անդամներ, Մայր Աթոռի բարերարներ, հասարակական գործիչներ, ուխտավորներ Հայաստանի տարբեր թեմերից:

Նախորդ օրը՝ երեկոյան, Մայր Տաճարում էջման Սուրբ Սեղանի առջև, կատարվեց ուխտադրման արարողությունը: Եպիսկոպոսացու վարդապետները, ծնրադիր վերահաստատելով Հայաստանյայց Առաքելական Սուրբ Եկեղեցուն, Մայր Աթոռ Սուրբ Էջմիածնին և Ամենայն Հայոց Հայրապետին հավատարմության ուխտը, եկեղեցականների ներկայությամբ ստորագրեցին իրենց երդմնագրերը:

Սուրբ Պատարագն սկսվեց Հայրապետական հանդիսավոր թափորով, որով ամպիոնի ներքո Ամենայն Հայոց Կաթողիկոսն առաջնորդվեց դեպի Միածնաէջ Մայր Տաճար: Մինչ Սրբազան Խորհուրդը Մայր Տաճարի Սուրբ Ստեփանոս Նախասարկավագի խորանին կատարվեց ընծայացուների հավատքի ուղղափառության քննությունը: Վարդապետների արժանավորությամբ մասին Ամենայն Հայոց Կաթողիկոսի առջև վկայեցին Հայ Եկեղեցու ներկայացուցիչներ՝ դպիրներ, կիսասարկավագներ, սարկավագներ, քահանաներ, եպիսկոպոսներ, ինչպես նաև հավատավոր ժողովուրդը ներկայացնող աշխարհականներ, որից հետո Սուրբ Պատարագը շարունակվեց Մայր Տաճարի Ավագ Խորանին:

Վեհափառ Հայրապետին որպես առընթերակներ սպասավորում էին Մայր Աթոռի Վարչատնտեսական բաժնի տնօրեն Գերաշնորհ Ս. Մուշեղ եպիսկոպոս Բաբայանը և Գուգարաց թեմի առաջնորդ Գերաշնորհ Ս. Հովնաթ եպիսկոպոս Հակոբյանը: Ընծայացուների խարտավիլակն էր Դամասկոսի Հայոց թեմի առաջնորդ Գերաշնորհ Ս. Արմաշ եպիսկոպոս Նալբանդյանը:

Պատարագի սրբազան արարողության ընթացքում, «Աստվածային և երկնային շարականի երգեցողության ներքո, վարդապետները, ծնկի գալով և ձեռքերը վեր բարձրացնելով, վերստին ուխտեցին իրենց անձերն ընծայաբերել Առաքելական Սուրբ Եկեղեցու սպասավորությանը՝ անշեղորբին հետևելով տերունավանդ պատգամներին և եկեղեցու սրբազան կանոններին:

Այնուհետև Արթիկի թեմի առաջնորդ Գերաշնորհ Նարեկ եպիսկոպոս Ավագյանը հանդիսավոր թափորով Սուրբ Խորան բարձրացրեց Սրբալույս Մյուռոնը, որով Նորին Սրբություն Գարեգին Երկրորդ Ամենայն Հայոց Կաթողիկոսը, եպիսկոպոսության կոչելով Իսահակ, Ռուբեն, Անանիա և Ջաքարիա վարդապետներին, օծեց նրանց ճակատներն ու աջ ձեռքերի բութ մատները: Արարողության ավարտին նորաօծ եպիսկոպոսներին հանձնվեցին նաև իրենց եպիսկոպոսական իշխանության խորհրդանիշերը՝ եպիսկոպոսական գավազանն ու մատանին:

Հիշարժան այս օրվա առիթով Ամենայն Հայոց Կաթողիկոսն իր հայրապետական պատգամը հղեց նորաօծ եպիսկոպոսներին և հավատավոր ժողովուրդին՝ փառք ու զոհություն մատուցելու Աստծուն, որ եպիսկոպոսական ձեռնադրության և օծման սրբազան արարողությունը կատարվում է Հոգեգալստյան օրհնաբեր տոնին, երբ եկեղեցին և հավատացյալները վերստին հաղորդ են դառնում Սուրբ Հոգու արփափայլ շնորհների հեղման խորհրդին, որով սկիզբ դրվեց Քրիստոսի Եկեղեցու հաղթական առաքելությանը:

«Սիրելիներ, այսօր կրկնակի է ամենփառախոսությունը, քանզի Մայր Աթոռ Սուրբ Էջմիածնի չորս նվիրյալ, բանիմաց և ջանասեր միաբաններ երկնային շնորհների հեղունակ

եպիսկոպոսական ձեռնադրության և օծման արժանացան:

...Դարեր շարունակ ձեռնադրության սրբազան խորհրդով արժանավոր մշակներ են կարգվել Հայոց Եկեղեցու անդաստանում, որպեսզի սուրբգրային պատգամներով լուսավորեն իրենց հանձնված հավատավոր հոտը և առաջնորդեն դեպի քրիստոսապարզ փրկություն»,- ասաց Վեհափառ Հայրապետը՝ հավելելով, որ եպիսկոպոսներն առաքելական հաջորդականության կրողներն ու փոխանցողներն են և տերունավանդ իշխանությամբ հավատքի անաղարտության, եկեղեցու կարգուկանոնի պահպանմանը, հոգիների խնամաստարք, եկեղեցու և հավատացյալների իրավունքների պաշտպանը:

Անդրադառնալով պատմության ընթացքում մեր երկրի դեմ ասպատակությունների հորձանուտներում, ինչպես և ցեղասպանության ու ստալինյան բռնապետության տարիներին եկեղեցականների հանդեպ իրականացված բռնաճնշումներին և հալածանքներին՝ Նորին Սրբությունը նշեց, որ կրելով բազում նեղություններ՝ հոգևորականները հաստատուն են մնացել առ Քրիստոս հավատարմության ու սիրո մեջ և, Աստծուն ապավինած, դիմակայել բոլոր դժվարություններին:

«Ցավով ենք անդրադառնում, որ Հայոց եկեղեցու սպասավորներն այսօր ևս Հայաս-

տանում իշխանությունների կողմից անհիմն մեղադրանքներով ենթարկվում են հետապնդումների, ինչպես նաև ազատազրկման»,- ընդգծեց Հայոց Հայրապետը՝ զոհություն հայտնելով Աստծուն, որ հոգևորականներն ի Հայաստան և ի սփյուռք աննկուն են ոգով, անխախտ են առ Սուրբ Էջմիածինը՝ հավատարմության մեջ և, անդավաճան իրենց ուխտին ու կոչմանը, մախանձախնդրությամբ շարունակում են տերունապատվեր առաքելությունը՝ իրականություն դարձնելու տեսիլքները հոգևոր կյանքի պայծառության, պետականության ամրապնդման, հայրենիքի շինության ու հզորության:

Այնուհետև Ամենայն Հայոց Կաթողիկոսը, ներկայացնելով եպիսկոպոսության արժանացած եկեղեցականներին և անդրադառնալով նրանց տարիների եկեղեցանվեր ու ազգասեր ծառայությանը, եպիսկոպոսական ձեռնադրության առիթով իր օրհնությունն ու բարեմաղթանքները բերեց վերջիններիս:

«Եպիսկոպոսական կոչումը՝ որպես նվիրապետության բարձր աստիճան, ենթադրում է առավել մեծ հանձնառություն և պատասխանատվություն Քրիստոսի եկեղեցու մեջ: Եպիսկոպոսությունն ինքնին ծառայական խաչ է, որը Տիրոջ մշակն ստանձնում է էջման Սուրբ Սեղանի առջև ծնրադիր ուխտով իր կյանքն անմնացորդ ընծայելու անձնվեր ծառայության»,- նշեց Վեհափառ Հայրապետը:

«Լյս բարդ ժամանակաշրջանում շարունակեք քաջալերել մեր ժողովրդի զավակներին ամուր մնալու աստվածասիրության ու հայրենասիրության մեջ: Եղեք համարձակ պահպանող հոգևոր և ազգային մեր արժեքների ու սրբությունների, մեր երկրի ու ժողովրդի և մեր Սուրբ Եկեղեցու արդար իրավունքների: Ձեր խնամքին հանձնված հավատացյալներին առաջնորդեք աստվածահաճու ուղիներով, նրանց սրտերում զորացրեք հավատքը, աննկուն կամքն ու արիության ոգին՝ դուրս բերելու մեր երկիրը վտանգներով ու փորձություններով լի այս դժվարին իրավիճակից և կերտելու հայրենիքի բարձր ու պայծառ ապագան: Ձեր բարձր առաքելությամբ ամենուր տարածեք տերունավանդ սեր, ազնվություն, բարություն ու արդարություն»,- պատգամեց Նորին Սրբությունը՝ հայցելով, որ Տերն Իր Սուրբ Աջով մշտապես զորացնի նորաօծներին ու նորանոր հաջողություններ պարգևի՝ ի փառս Աստծո, ի սեր ազգի, ի շինություն և ի պայծառություն Առաքելական մեր Սուրբ Եկեղեցու:

Այս «Ողջույնի» ժամանակ ներկա եկեղեցականները բարձրացան Սուրբ Խորան և Ամենայն Հայոց Կաթողիկոսի գլխավորությամբ շնորհավորեցին նորաօծներին՝ համբուրելով նրանց մյուռոնադրոշմ աջը:

Սուրբ Պատարագի ավարտին նորաօծ Սրբազաններին եպիսկոպոսության կոչվելու առիթով շնորհավորեց նաև հավատավոր ժողովուրդը:

Հաջորդ շաբաթվա ընթացքում նորաօծ եպիսկոպոսները Մայր Տաճարում մատուցեցին ուխտի պատարագներ:

Մայր Աթոռ Սուրբ Էջմիածնի Հատիճավանքի «Թրբանճյան ընծայարան» ավագ դպրոցը Հայտարարում է 2026–2027 ուս. տարվա ընդունելություն

Մայր Աթոռ Սրբ. Էջմիածնի «Թրբանճյան ընծայարան» ավագ դպրոց կարող էն դիմել Հայաստանի Հանրապետության և այլ երկրների մինչև 17 տարեկան արական սեռի այն քաղաքացիները, որոնք ավարտել են հիմնական դպրոցը կամ փոխադրվել են ավագ դպրոցի 11 և 12-րդ դասարաններ ու զավակն են Հայ Առաքելական Սուրբ Եկեղեցու:

2026–2027 ուս. տարվա ընդունելությունը կանցկացվի հետևյալ առարկաների քննությամբ.

- Հայոց լեզու (գրավոր)
- Հայ գրականություն (բանավոր)
- Հայոց պատմություն (բանավոր)

Դիմորդներն ընծայարանի տեսչության հետ ճանաչողական բնույթի զրույց կունենան նաև հետևյալ նյութերի շուրջ.

- Սուրբ Գրքի իմացություն,
- Հայ Եկեղեցու պատմության մասին գիտելիքներ,
- Եկեղեցական փորձառություն,
- Ինքնաարտահայտվելու կարողություն,
- Երաժշտություն (երգեցողություն, լսողություն, ռիթմի զգացողություն),

• Օտար լեզու (անգլերեն, ռուսերեն):

Ընդունելության համար դիմորդները պետք է ներկայացնեն հետևյալ անհրաժեշտ փաստաթղթերը՝

- դիմում ընծայարանի տեսչի անունով (լրացվում է տեղում),
- 2 լուսանկար (3x4),
- անձնագրի կամ ծննդյան վկայականի պատճենը,
- սոցիալական քարտի պատճենը,
- հիմնական դպրոցի ավարտական վկայականը,
- տեղեկանք թեմի առաջնորդից կամ շրջանի հոգևոր հովիտից,
- տեղեկանք առողջության մասին (սպասարկող բուժիչի-նարկից),
- բնութագիր դպրոցի տնօրենից,
- տեղեկանք բնակավայրից,
- մկրտության վկայականի պատճենը,
- ինքնակենսագրություն:

Դիմումներն ընդունվում են մայիսի 25-ից մինչև օգոստոսի 11-ը՝ երկուշաբթիից շաբաթ, ժամը 10:00–15:00:



Հասցե՝ Մայր Աթոռ Սրբ. Էջմիածին, Գևորգյան հոգևոր ճեմարան
 Հեռախոս՝ (+374 10) 517–321, (+374 10) 517–322
 Էլ. փոստ՝ harichavanq@mail.ru

ԸՆԴՈՒՆԵԼՈՒԹՅՈՒՆՆԵՐ ԿԵԶԱՐԱՆՈՒՄ Ամենայն Հայոց Կաթողիկոսն ընդունեց



Մայիսի 16-ին Մշակույթի մի խումբ գործիչների

Ն. Ս. Օ. Տ. Տ. Գարեգին Երկրորդ Ծայրագույն Պատրիարք և Ամենայն Հայոց Կաթողիկոսն ընդունեց մշակույթի մի խումբ գործիչների, որոնք այցելել էին Մայր Աթոռ Սուրբ Էջմիածին՝ իրենց զորակցությունը, որդիական սերն ու հավատարմությունը հայտնելու Սուրբ Եկեղեցուն և Ամենայն Հայոց Հայրապետին:

Զրույցի ընթացքում կարևորվեց Հայ Առաքելական Սուրբ Եկեղեցու աստվածաբանական, պատմական և հոգեխնամ բացառիկ առաքելությունը՝ ազգային ինքնության պահպանման, հասարակության հոգևոր զորացման և համազգային միաբանության ամրապնդման գործում:

Առանձնակի շեշտվեց Հայոց Եկեղեցու և հայ մտավորականության համընթացությունը արժեհամակարգային ճգնաժամի հաղթահարման, հանրային համերաշխության ձևավորման, ինչպես նաև հասարակության մեջ հոգևոր-բարոյական առողջ մթնոլորտի և սիրո ու միաբանության ոգու զորացման ուղղությամբ:

Մայիսի 21-ին ԵԱՀԿ ԺՀՄԻԳ դիտորդական առաքելության ղեկավարին

Ամենայն Հայոց Կաթողիկոսն ընդունեց Հայաստանում ԵԱՀԿ Ժողովրդավարական հաստատությունների և մարդու իրավունքների գրասենյակի դիտորդական առաքելության ղեկավար Յանեթ Լե-

մարչիչին: Հանդիպման ընթացքում անդրադարձ կատարվեց Հայաստանում նախընտրական շրջանում առկա հասարակական-քաղաքական իրադրությանը, ընտրական գործընթացների խաղաղ



և թափանցիկ ընթացքի ապահովման, խության մթնոլորտի պահպանման անհանրային վստահության ու համերաշխությանը:



Մայիսի 25-ին Նորած եպիսկոպոսներին

Ամենայն Հայոց Կաթողիկոսն ընդունեց նորած Սրբազան Հայրերին՝ Գեղարքունյաց թեմի առաջնորդ Գերաշնորհ Տ. Իսահակ եպիսկոպոս Պողոսյանին, Մայաջոտնի թեմի առաջնորդ Գերաշնորհ Տ. Ռուբեն եպիսկոպոս Զարգարյանին, Մայր Աթոռ Սուրբ Էջմիածնի լուսարարապետ Գերաշնորհ Տ. Անանիա եպիսկոպոս Ծատուրյանին և Մայր Աթոռի Քարոզչական կենտրոնի տնօրեն Գերաշնորհ Տ. Զաքարիա եպիսկոպոս Բաղունյանին: Ամենայն Հայոց Կաթո-

ղիկոսը, իր հայրական սերն ու օրհնությունը բերելով եկեղեցականներին, շնորհավորեց վերջիններիս եպիսկոպոսական կոչման արժանանալու առիթով և մաղթեց արդյունավոր առաքելություն՝ ի պայծառությամբ Առաքելական Սուրբ Եկեղեցու և ի շինություն հայրենիքի:

Լրատվական նյութերը՝ Մայր Աթոռ Սուրբ Էջմիածնի տեղեկատվական համակարգի

Մայր Աթոռ Սուրբ Էջմիածնի «Վաչե և Թամար Մանուկյան» մատենադարանում տեղի ունեցավ գրքերի շնորհանդես

Օրհնությամբ Ն. Ս. Օ. Տ. Տ. Գարեգին Բ Ծայրագույն Պատրիարք և Ամենայն Հայոց Կաթողիկոսի՝ Մայր Աթոռ Սուրբ Էջմիածնի «Վաչե և Թամար Մանուկյան» մատենադարանում տեղի ունեցավ Արցախին, Հայոց ցեղասպանությանը և հայ ազատագրական պայքարին նվիրված գրքերի շնորհանդես, որին մասնակցեցին գիտության, կրթության և մշակույթի ոլորտի ներկայացուցիչներ:

Շնորհանդեսին ելույթներով հանդես եկան հեղինակները, խմբագիրները և առանձին գիտնականներ:

Միջոցառման ընթացքում Ս. Էջմիածնի Մատենադարանի և հրատարակչության տնօրեն Արժանապատիվ Տ. Արարատ քահանա Պողոսյանը, ողջունելով ներկաներին, նշեց. «Միջայել շեգեմանի «Հայոց ցեղասպանությունը» ուսումնասիրությունը՝ հիմնված Վատիկանի գաղտնի արխիվային վավերագրերի վրա, ևս մեկ անգամ փաստական ուժով հաստատում է մարդկության դեմ իրականացված մեծագույն ոճրագործություններից մեկը: Այս աշխատությունն առանձնահատուկ արժեք ունի այն իմաստով, որ նոր փաստաթղթային հենք է ավելացնում ցեղասպանության միջազգային ճանաչման և գիտական ընկալման գործընթացին՝ դառնալով հիշողության պահպանման կարևոր աղբյուր:

Ավետիս Հարությունյանի «Հայ գաղթականությունն Առաջին աշխարհամարտի տարիներին և Հայ Առաքելական Սուրբ Եկեղեցին» աշխատությունը բացահայտում է այն ողբերգական իրականությունը, որտեղ եկեղե-



ցին ոչ միայն հոգևոր կառույց էր, այլ նաև սոցիալական և մարդասիրական աջակցության առանցք: Գաղթականության պատմության և եկեղեցու դերակատարության համադրումը մեզ հիշեցնում է, որ ազգային գոյատևման ծանրագույն պահերին հենց հոգևոր կառույցներն են կրել ժողովրդի ուսերին ծանրացած բեռը:

Կարեն Մաթևոսյանի և Թամարա Մինասյանի պատկերազարդ ուսումնասիրու-

թյունը Արցախի վանքերի, եկեղեցիների և ձեռագրերի մասին, իր հերթին, բացահայտում է հայկական մշակութային ժառանգության անգնահատելի շերտեր՝ ընդգծելով Արցախի հոգևոր և գրավոր մշակույթի դերը համազգային ինքնության պահպանման գործում:

Արմինե Տիգրանյանի ուսումնասիրությունը, որը վերաբերում է Աղրբեջանի կողմից Արցախի մշակութային ժառանգության ոչնչացման գործընթացին, խիստ արդիական է: Այն փաստագրում է ոչ միայն մշակութային կորուստները, այլ նաև միջազգային իրավական համակարգերի արձագանքի խնդիրները՝ բարձրացնելով մշակութային իրավունքների պաշտպանության հրատապ հարցը:

Մեր ուսումնասիրությունը՝ «Սուրբ Էջմիածնի դերը 16–17-րդ դարերի ազատագրական պայքարում», վերահաստատում է Եկեղեցու ոչ միայն պատմական առաքելությունը՝ որպես ազգային համախմբման, գաղափարական առաջնորդության և ազատագրական շարժումների հոգևոր հիմքի, այլև արդի ժամանակաշրջանի առաքելությունը, քանի որ հայ ազատագրական պայքարը չի ավարտվել, այն այսօր ևս շարունակվում է:

Այս բոլոր աշխատությունները միասին ձևավորում են մեկ ընդհանուր գաղափարական դաշտ, որտեղ պատմությունը, հիշողությունը և ինքնության պաշտպանությունը փոխկապակցված են: Այսօր, երբ մեր ժողովուրդը կանգնած է նոր աշխարհաքաղաքական և մշակութային մարտահրավերների առաջ, նման ուսումնասիրությունները ոչ

միայն գիտական արժեք ունեն, այլ նաև ազգային ինքնագիտակցության ամրապնդման կարևոր գործոն են:

Այս առիթով առանձնահատուկ երախտագիտությամբ և խոնարհումով ցանկանում ենք մեր շնորհակալությունը հայտնել Ն. Ս. Օ. Տ. Տ. Գարեգին Երկրորդ Ամենայն Հայոց Կաթողիկոսին: Նրա հայրապետական օրհնությամբ, մշտական հոգածությամբ և հետևողական աջակցությամբ է գործում Մայր Աթոռի Հրատարակչական բաժինը՝ իրականացնելով այն կարևոր առաքելությունը, որի շնորհիվ գիտական և հոգևոր արժեքները հասանելի են դառնում թե՛ մասնագետներին, թե՛ լայն հանրությանը:

...Այսօր ներկայացվող գրքերը ևս այդ շարունակական աշխատանքի վկայությունն են՝ ծնված նույն հոգատար միջավայրում, որտեղ գիտական պատասխանատվությունը զուգորդվում է հոգևոր առաքելության գիտակցությամբ: Այդ միջավայրի ձևավորման մեջ անուրանալի է Նորին Սրբության դերակատարությունը՝ որպես հոգևոր առաջնորդի, որը մշտապես կարևորել է գիտության, մշակույթի և ազգային ինքնության ամրապնդման գործընթացը:

Միջոցառման ավարտին ներկաներին օրհնության խոսք փոխանցեց Մայր Աթոռ Ս. Էջմիածնի միաբան Գերաշնորհ Տ. Հայկազուն արքեպիսկոպոս Նաջարյանը:

Միջոցառումն ավարտվեց գինեծնով:

«Վաչե և Թամար Մանուկյան» մատենադարան

Լինելության ուխտը

Հայոց ոգու փոխակերպումը ցեղասպանությունից մինչև Սարդարապատ

Թաղման և վերածննդի դիալեկտիկան

Աստվածաշնչյան պատկերաբանության մեջ սերմը միայն գյուղատնտեսական պատկեր չէ: Այն գոյաբանական նախորինակ է: «Եթե ցորենի հատիկը, հողի մեջ ընկնելով, չմեռնի, ինքը միայնակ կմնա. իսկ եթե մեռնի, բազում արդյունք կտա» (Չուվ. ԺԲ 24): Այս խոսքը բացում է մի խոր ճշմարտություն. մահը կարող է լինել ոչ թե վերջ, այլ անցում: Հայ ժողովրդի պատմությունը հենց այս սկզբունքի կենդանի մարմնավորումն է:

1915 թ. Հայոց ցեղասպանությունը աշխարհիկ տեսանկյունից թվում էր վերջնական գերեզման: Սակայն այստեղ գործեց աստվածաբանական այն պարադոքսը, երբ թաղվելը նույնական չէ փտելուն: Հայ ժողովուրդը թաղվեց հողի մեջ ոչ թե որպես դիակ, այլ որպես կենդանի սերմ: Ոգու անբացատրելի գործողությամբ՝ այդ սերմը հողի մթնոլորտում մեջ ոչ թե քայքայվեց, այլ սկսեց ծիլ տալ: Սարդարապատը և Բաշ-Ապարանը այդ սերմի առաջին հաղթական ճեղքումն էին դեպի լույսը: Ցեղասպանված ազգը, որին վիճակված էր լինել պատմության լուսանցքում, հանկարծ դարձավ սեփական ճակատագրի արարիչը՝ հիմնելով Առաջին հանրապետությունը: Սա ոգու հաղթանակն էր նյութի նկատմամբ. այնտեղ, որտեղ պիտի լինեիր վախճան, ծնվեց պետականություն:

Թաղման և վերածննդի այս դիալեկտիկական Հայոց պատմությունը դուրս է բերում սովորական ողբերգության սահմաններից՝ այն վերածելով մի տիեզերական պատահարի: Եթե աշխարհիկ տրամաբանությունը տեսնում էր միայն անպատի ավազների մեջ մարող մի ժողովուրդ, ապա մետաֆիզիկական տեսողությունը վկայում էր սուրբ մատուցման պես հողին հանձնված մի սերմի մասին, որի արյուն մեջ արդեն իսկ բաբախում էր հարության գեներ: Հայը հողի մեջ մտավ ոչ թե որպես պարտված զոհ, այլ որպես զախք հունձքի խոստով:

Այս գործընթացի հոգևոր գագաթնակետը 1918 թ. մայիսյան հերոսամարտերն էին, որտեղ կենսաբանական մահվան դատավճիռը փոխարինվեց ազգային վերածննդի ավետիսով: Սարդարապատը ոչ միայն ռազմական հաղթանակ էր, այլև հոգևոր պայթյուն, որտեղ հողի խորքից հառած ծիլը ձեռքեց մոխրի շերտը՝ դառնալով անկախ պետականության կենսատու ծառ: Սա ապացույցն էր այն բանի, որ հայոց ոգին ունակ է նյութական ոչնչացումը վերածելու հոգևոր արարման: Արդ՝ Հայաստանի առաջին հանրապետությունը ոչ թե քաղաքական պատահականություն էր, այլ այն սուրբ հունձքը, որը ծնվեց հայոց գողգոթայից ընդամենը երեք տարի անց՝ վկայելով, որ մեր ազգային ինքնությունը խարսխված է ոչ թե մահվան վախի, այլ հարատև հարության անկոտրուն կամքի վրա:

Մոխիրներից ծնված ծիլը. ոչ թե գոյատևում, այլ վերստեղծում

1915 թ. Հայոց ցեղասպանությունը մարդկային տրամաբանությամբ վերջակետ էր: Դա ոչ միայն ֆիզիկական բնաջնջման փորձ էր, այլև հիշողության, մշակույթի, ինքնության ջնջում: Բայց այստեղ տեղի ունեցավ այն, ինչը կարելի է անվանել «հոգևոր ֆիզիկայի խախտում»: Հայը չվերացավ: Ավելին՝ նա վերածնվեց: Այս վերածնունդը ոչ միայն մարմնական էր, այլև հոգևոր. ցավը վերածվեց հիշողության, հիշողությունը՝ ինքնագիտակցության, իսկ ինքնագիտակցությունը՝ դիմադրության: Այս վերստեղծման գործընթացում հայոց ոգին ապացուցեց, որ ոչնչացման ցանկացած փորձ միայն խտացում է մերթիմ դիմադրողականության էներգիան: Եթե ցավը մնար որպես զուտ տառապանք, այն կքայքայեր ազգի մերթիմ հենասյունները, սակայն հայոց մետաֆիզիկական կամքը թույլ տվեց այդ ցավը թորել և դարձնել արարիչ կամք:

Սարդարապատ և Բաշ-Ապարան. պատմության մեջ ներխուժող ոգին

Սարդարապատը միայն ռազմական հաղթանակ չէ, այն գոյաբանական ապստամբություն է և աստվածաշնչյան այն հրաշքի



Հայոց զորքերի օրհնումը Սարդարապատի ճակատամարտից առաջ. 1918 թ.

կրկնությունը, երբ «Տիրոջ համար դժվար չէ փրկել թե՛ շատերով և թե՛ քչերով» (Ա թագ. ԺԴ 6): Այնտեղ, որտեղ աշխարհիկ հաշվարկով պետք է տեղի ունենար վերջնական անկում, ծնվեց հակադարձ շարժում: Հայը, որ կորցրել էր ամեն ինչ, հանկարծ սկսեց գործել այնպես, կարծես ունի ամեն ինչ: Սա հիշեցնում է Գեղեցնի փոքրաթիվ զորքի հաղթանակը, որտեղ կարևորը ոչ թե թվաքանակն էր, այլ ոգու առկայությունը և հաստատական որոշումը՝ ԼԻՆԵԼ: Այդ որոշումը դարձավ պետականություն: Առաջին հանրապետությունը չծնվեց բարենպաստ պայմաններից, այլ կործանող հանգամանքներից՝ հակադրվելուց: Հայոց գոյությունը կախված չէ պատմական հիմքերից, այլ այն սուրբ ուխտից, որը մենք կապել ենք Արարչի հետ:

Այս ոգու տրամաբանական շարունակությունն ու ամրապնդումն է Սարդարապատը կամ Բաշ-Ապարանը: Եթե Սարդարապատը սրտի պաշտպանությունն էր, ապա Բաշ-Ապարանը հայոց կամքի հարձակողական զարթոնքն էր՝ նման Մովսեսի բարձրացրած գավազանին, որը ձեռքեց անհնարինության ծովը: Այնտեղ հայն ապացուցեց, որ իր ոգին ունակ է ոչ միայն պաշտպանվելու, այլև տարածք ստեղծելու իր ապագայի համար, ինչպես Իսրայելի որդիները՝ Ավետյաց երկիրը նվաճելիս:

Բաշ-Ապարանը դարձավ այն սրբազան հողը, որտեղ հայոց «այո»-ն ստացավ իր ամենավճռական հնչեղությունը: Սա կռիվ էր հանուն այն բանի, որ հայոց աղոթքն ու լեզուն այլևս երբեք չլռեն, քանզի «Եթե Տերը չչինի տունը, զուր են չարչարվում այն շինողները» (Սաղմ. ԾԻԶ(ԾԻԷ) 1): Այս երկու հերոսամարտերը միասին եղան հայոց հարության երկփեղկ դարպասները, որոնց առջև մահը անհանջեց՝ տեղի տալով հարության լույսին:

Դեգերումներից դեպի Ավետյաց երկիր. պատմության սրբագրություն

Հրեա ժողովրդի պատմությունը հաճախ դիտվում է որպես աստվածային ընտրության օրինակ, սակայն Հայոց պատմությունը ցույց է տալիս, որ ընտրությունը կարող է դրսևորվել նաև առանց տեսանելի հրաշքների՝ որպես ներքին կոչում: Եգիպտոսից ելքը, անապատը, պատերազմները միայն պատմություն չեն, այլև հոգևոր ճանապարհ: Հայ ժողովուրդը նույնպես անցել է իր անապատները, և հրեա ժողովրդի ելքը Եգիպտոսից, 40-ամյա դեգերումներն անապատում և մշտական պատերազմներն Ավետյաց երկրի համար ինչ-որ իմաստով հայելային արտացոլում են Հայոց պատմության:

Դեգերումներից դեպի Ավետյաց երկիր տանող ճանապարհը Հայոց պատմության մեջ դառնում է պատմության սրբագրություն: Եթե հրեա ժողովրդի ելքն ուղեկցվում էր բացահայտ հրաշքներով՝ ծովի ճեղքմամբ և երկնային մանաձայով, ապա հայոց ելքը դեպի ազատություն տեղի էր ունենում լռությամբ և լքվածությամբ, որտեղ միակ հրաշքը հենց սեփական ոգու անմահանք դիրքն էր: Սա այն պահն է, երբ հավատը դառնում է ոչ թե տեսանելի ապացույց,

այլ «չերևացող բաների հանդեպ վստահություն» (Եբր. ԺԱ 1):

Սեր պատմությունը հենց մեզ համար Սուրբ Գրքի շարունակությունն է՝ գրված մի ազգի կողմից, որն ընտրեց ինքնական գողգոթան՝ հավատալով, որ՝ «Ովքեր արցունքով են սերմանում, ցնծությամբ պիտի հնձեն» (Սաղմ. ԾԻԵ(ԾԻԶ) 5): Սեր դեգերումների ավարտը ոչ թե պարզապես հողն է, այլ այն սրբազան պետականությունը, որտեղ հայը վերստին դարձավ ինքնավար պանդուխտ և դառնում իր իսկ տան աստվածադիր տերը:

Թերահավատության փորձությունը. հավատը որպես պայքար

Ոչ մի ժողովուրդ չի անցնում իր ճանապարհը՝ առանց կոտորվելու և հուսահատության եզրին հասնելու: Բայց կարևոր է, թե ի՞նչ է լինում պատասխանը՝ ուղղված նույն հուսահատությանը:

Հրեաները դեպի Ավետյաց երկիր քայլելու ճանապարհին հաճախ տրտնջում էին՝ կարողությունը անցյալը, որը պայմանավորված էր Եգիպտոսում իրենց ունեցած ապրելակերպով: Հայն էլ ունեցել է իր ընկրկումները՝ երբեմն ընտրելով հեշտը, երբեմն՝ մոռացությունը, բայց այստեղ կա էական տարբերություն. հավատը երբեք չի եղել հայի համար միայն զգացմունք, այն եղել է պայքար: Հավատալ մշանակում է մնալ, երբ ամեն ինչ թեզ դրոշմ է հեռանալու:

Թերահավատության փորձությունը դառնում է այն բովը, որտեղ գտվում է ազգային ոգին: Ինչպես հրեաները, անապատում կորցնելով տեսանելի առաջնորդությունը, սկսեցին ձուլվել ոսկե հորթը՝ փնտրելով կեղծ ու հեշտ պահովություն, այնպես էլ հայը պատմության քառուղիներում երբեմն գայթակղվել է օտարի տված թվաքայլ հանգստի ու հարմարավետության հեռանկարով: Սակայն Հայոց պատմության հրաշքը ոչ թե անսխալակամությունն է, այլ ապաշխարությունը և վերադարձը: Հայը միշտ գտել է իր մեջ զորությունն ասելով՝ «Մի ուրախացիր ինձ վրա, ով իմ թշնամի, թեև ընկա, պիտի վեր կենամ» (Միքիա Ե 8):

Այս պայքարում հավատը դարձավ լինելու սոսկ վերացական դավանանք և վերածվում է գոյաբանական դիրքորոշման: Հավատալ մշանակում է պահել ուխտը՝ հակառակ տեսանելի իրականության: Երբ թվում էր, թե ամեն ինչ ավարտված է, և հայկականությունը դատապարտված է մոռացության, հենց այդ պահին հայը վերադառնում էր իր ակունքներին՝ Վարդանանց ուխտին, Նարեկացու աղոթքին և Սարդարապատի որոշմանը: Սա հիշեցնում է Անառակ որդու վերադարձը, որը ծայրագույն անկման հոգեվիճակում հիշեց իր հոր տունը և վերագտավ իր պատիվը:

Հայի ուժը ոչ թե անհաղթությունն է, այլ ընկնելուց հետո հառնելու աստվածային շնորհը: Մենք պահպանվել ենք, քանզի որ մեր ընկրկումները եղել են ժամանակավոր, իսկ մեր ուխտը՝ հավերժական: Ուստի՝ հայոց հավատը պայքար է հենց այն պատճառով, որ այն պահանջում է մշտական արթնություն և դիմադրություն հեշտին ու անցողի-

կին: Սեր գոյությունը վկայությունն է այն բանի, որ՝ «Ով մինչև վերջ համբերի, նա պիտի փրկվի» (Մատթ. Ժ 22): Մենք մնացինք, որովհետև ընտրեցինք վերադարձն այն ճշմարտությանը, որն ավելի զորեղ է, քան ցանկացած պատմական հուսահատություն:

Աղետի պարադոքսը. ոչնչացման միջոց ծնվող ինքնություն

Հայոց ցեղասպանությունը և Հոլոքոսթը մարդկության պատմության ամենախավար էջերից են: Սակայն այս երկու դեպքերը նաև ցույց տվեցին մի խոր ճշմարտություն. երբ ոչնչացումը դառնում է ամբողջական, դիմադրությունը դառնում է բացարձակ: Հրեաները վերակերտեցին իրենց պետականությունը, հայերը՝ իրենց համաշխարհային ներկայությունը: Սա պատահական չէ, սա այն է, ինչ կարելի է անվանել հիշողության աստվածաբանություն: Երբ ցավը չի մոռացվում, այն վերածվում է ուժի:

Աղետի պարադոքսն այն է, որ բացարձակ չարիքը հաճախ դառնում է բացարձակ հարության նախերգանք: Ինչպես Հոբբը, որ կորցրեց ամենքին և ամեն ինչ՝ զավակներին, տունը և առողջությունը, բայց չիրաժարվեց Աստծուց և վերջում ստացավ ավելին, քան ուներ (Հոբ ԽԲ 10), այնպես էլ հայ և հրեա ժողովուրդները ոչնչացման մոխիրներից հառնեցին որպես նոր որակի ինքնություններ: Երբ մարդկային չարիքը հասնում է իր գագաթնակետին, գործի է դրվում աստվածային այն օրենքը, որ՝ «Լույսը խավարի մեջ լույս է տալիս, և խավարը նրան չնվաճեց» (Չուվ. Ա 5):

Այս «հիշողության աստվածաբանությունը» ենթադրում է, որ ցավը ոչ թե պարզապես անցյալի բեռ է, այլ ապագայի հիմք: Ցեղասպանության և Հոլոքոսթի միջով անցած ազգերի համար հիշելը դարձել է սրբազան պարտականություն, քանզի մոռացությունը հավասարազոր է վերջնական պարտության: Մենք սովորեցինք ցավը թորել և դարձնել կենսատու էներգիա. հրեաների համար դա արտահայտվեց Իսրայել պետության հզորացմամբ, իսկ հայերի համար՝ համաշխարհային ցանցային ներկայությամբ և հոգևոր անընկճելիությամբ: Սա նման է Հակոբի գիշերային մարտին Աստծու կամ հրեշտակի հետ, որից նա դուրս եկավ կաղալով, բայց օրհնված և նոր անուն ստացած (ԾՄՈՂ. ԼԲ 24-28): Մենք ևս պատմության այդ մարտից դուրս եկանք վերքերով, բայց այդ վերքերը դարձան մեր ինքնության անբաժանելի և զորեղ մասը:

Ոչնչացման միջոց ծնվող ինքնությունն ամենակենսունակն է, քանզի որ այն կոփվել է մահվան հետ անմիջական առերեսմամբ: Մեր հավաքական հիշողությունը դարձել է այն հոգևոր վահանը, որի վրա փշրվում են բնաջնջման բոլոր նոր փորձերը: Երբ ցավը վերածվում է ուժի, այն դադարում է լինել զոհի կարգավիճակի ցուցիչ և ստանում է Արարչի «գործընկերոջ» կոչում, որ պատասխանատու է աշխարհում արդարության և լույսի հաղթանակի համար: Քանզի «Աստված մտերիմ է սրտով կոտորվածներին» (Սաղմ. ԼԳ 19)՝ վերածելով նրանց տառապանքը հավերժական հաղթանակի վկայության:

Աստվածամոր «այո»-ն որպես ազգային ծածկագիր

Տիրամոր «այո»-ն մարդկության պատմության ամենահզոր որոշումներից մեկն է: Այն որոշում է, որ միավորում է խոնարհությունը և քաջությունը: Հայ ժողովուրդն իր ամբողջ պատմության ընթացքում կրկնել է այդ նույն կառուցվածքը: Մենք ընդունել ենք մեր ճանապարհը՝ չնայած ցավին: Բայց այստեղ կարևոր է հասկանալ սա հնազանդությունն չէ պարտադրանքին: Սա ընտրություն է: Եվ հենց այդ ընտրությունն է մեզ դարձնում այն, ինչ կանք: Աստվածամոր «այո»-ն որպես ազգային ծածկագիր դիտարկելը մշանակում է Հայոց պատմությունը տեսնել ոչ թե որպես պատահականությունների շղթա, այլ որպես սրբազան պատասխանատվություն:

Հայ Առաքելական Եկեղեցին Առաջին հանրապետության տարիներին

«Ա՛զգ հայոց, թուրքը՝ մեր բանական հոտի դարավոր թշնամին, նվաճել է Ալեքսանդրապոլը, շարժվում է դեպի սիրտը մեր երկրի, մեր հավատի, մեր կենսագրության: Գայիս է Արարատյան երկրի վրա:»

Թուրքը, կոտորած ու ավեր փռելով, գայիս է, և մեր զորապետներն էլ այլ ելք չեն գտնում այդ աղետից, քան հայոց Յայրապետին փախուստի մղել: Նրանք ինձ առաջարկում են ոսոխի բերանին թողնել Մայր Աթոռ Սբ. Էջմիածինը, մեր սրբարանը, հայ ժողովրդի վերջին կտորը:

Ո՛չ և ո՛չ: Հազար անգամ ո՛չ: Ես չեմ լքի մեր սուրբ նախնիներից ավանդ մնացած Մայր Աթոռը: Եթե հայ ժողովուրդը չի կարող թշնամու առաջխաղացումը կասեցնել, եթե ի զորու չէ փրկելու մեր սրբությունները, ապա ես ինքս սուր կվերցնեմ և կընկնեմ Մայր Տաճարի գավթում, բայց չեմ հեռանա պապերից ավանդ մնացած Սուրբ աթոռից:

Իսկ եթե եկել է վերջը, ապա այն ինչո՞ւ չընդունենք պատվով ու քաջությամբ և ո՛չ թե ողորմելի ստրուկի պես ոսոխի առաջ տղալով...»:

Ամենայն Հայոց Կաթողիկոս Գևորգ Ե Սուրենյանց, 1918 թ., մայիս

1918 թ. ապրիլի 22-ին Անդրկովկասը հռչակվեց անկախ հանրապետություն: Մայիսի 11–26-ը տեղի ունեցավ Բաթումի խաղաղության կոնֆերանսը: Թուրքերն Անդրկովկասյան կառավարությունից պահանջեցին Երևանի նահանգի 2/3 մասը, Թիֆլիսի նահանգից՝ Ախալքալաքի և Ախալցխայի գավառները, ինչպես նաև Անդրկովկասյան երկաթգծի հսկողությունը:

Գտնվելով ծայրահեղ ծանր վիճակում՝ հայ ժողովուրդը և Մայր Աթոռը փակուղուց դուրս գալու ճանապարհներ էին փնտրում: Հայ ժողովրդական կուսակցությունը որպես փրկության ելք առաջարկում էր դիմել Թուրքիայի դաշնակից Գերմանիայի կառավարությանը: Հայ ժողովրդական կուսակցությունը, որը Գերմանիայի կայսրին դիմելու նախաձեռնողն էր, մասնակցությամբ Մ. Պապազանյանի, Գևորգ Եպիսկոպոս Չորեքչյանի, Յ. Առաքելյանի և ուրիշների, հատուկ նիստ հրավիրեց՝ քննարկելու Գևորգ Ե Կաթողիկոսի նամակը՝ ուղղված Գերմանիայի կայսրին:

1917 թ. դեկտեմբերից Կովկասյան ռազմաճակատն սկսեց փլուզվել, և ռուսական բանակի զինվորները, թողնելով իրենց դիրքերը, վերադառնում էին կենտրոնական Ռուսաստան:

Կարս քաղաքը և Կարսի մարզը գրավելուց հետո թուրքերը սրի քաշեցին տեղի հայության մի մասին, իսկ մյուս մասն էլ գաղթեց Ալեքսանդրապոլ: Մայիսի 15-ին թուրքերը գրավեցին Ալեքսանդրապոլը, և հայ զինվորականները լքեցին քաղաքը: Քաղաքը վերջին լքեցին Ալեքսանդրապոլի փոխամորթ Արտակ վարդապետ Սմբատյանը և քաղաքի ինքնավարության երեք անդամներ: Ինչպես առանց մարտի հանձնվեց Կարսի բերդը, նույն կերպ էլ առանց հակամարտի հանձնվեց Ալեքսանդրապոլը:

Մայիսի 19-ին թուրքերի 36-րդ Կովկասյան դիվիզիան ճեղքում է Արարատյան դաշտ և հաջորդ օրը գրավեց Արաքս կայարանը, որը գտնվում էր Սարդարապատից 10 կմ հեռավորության վրա: Այս ուղղության զինվորական խմբավորման հրամանատարը գեներալ Մովսես Սիլիկյանն էր, որն իր հրամանատարական կետը հաստատել էր Գևորգյան ճեմարանում: Ստույգ տեղեկություններ ստանալով թուրքերի առաջխաղացման մասին՝ Երևանի ապագա պարետ Ա. Շահխաթունու ընկերակցությամբ Մ. Սիլիկյանն այցելեց Գևորգ Ե Կաթողիկոսին և առաջարկեց նրան անվտանգության համար մեկնել Սևանա վանք: Այս առաջարկին կաթողիկոսը պատասխանեց. «Եթե հայկական ուժերն ի վիճակի չեն պաշտպանելու այս սրբազան վայրը, ապա ես ինքս կանեմ դա, հոգ չէ, թե կզոհվեմ հազարամյա Մայր Տաճարի շենքին»: Եվ Վեհափառ հայրապետը չլքեց Մայրավանքը...

Գևորգ Ե-ի հրամանով Արագածից մինչև Սևան մայիսի 21–29-ը անընդհատ դողանջեցին բոլոր եկեղեցիների գանգերը՝ ժողովրդին զենքի կոչելով:

Հայ հոգևորականության բազմաթիվ ներկայացուցիչներ մասնակցեցին կոիվներին: Հայկական բանակի յուրաքանչյուր գունդ ուներ իր երեքը: 1918 թ. կազմված գնդերեցներին մասին հրահանգի համաձայն՝ յուրաքանչյուր գնդերեց պարտավոր էր ունենալ մատյան, որի մեջ ցուցակագրելու էր գնդի զինվորներին՝ անհրաժեշտ տվյալներով: Գնդի անձնակազմի բոլոր անդամները համարվում էին գնդերի ծխականներ:

Սարդարապատի 5-րդ հետևակային հերոսական գունդը բաղկացած էր արցախցիներից, որի հրամանատարն էր գնդապետ Պողոս Բեկ-Փիրումյանը: Գարեգին Եպիսկոպոս Հովսեփյանը ռազմի դաշտում այդ գնդի ռազմիկներին մկրտեց «Մահապարտներ» անունով:

Սարդարապատի ճակատամարտին մասնակցեցին նաև գյուղական ծխական հովիվները՝ իրենց գլխավորած աշխարհագորային ջոկատներով: Եզնիկ և Թադևոս վարդապետների և Տեր Հովհաննեսի առաջնորդած կամավորները գործում էին 5-րդ գնդում:

Հայ հոգևորականությունը՝ զենքը ձեռքին, ոգեշնչում էր զինվորներին և բարձրացնում նրանց մարտական ոգին:

Սարդարապատի հաղթանակից հետո կաթողիկոսը Մայր Տաճարում հանդիսավոր Պատարագ մատուցեց:

Ինչպես Սարդարապատում, Բաշ Ապարանի հերոսամարտում ևս հայ հոգևորականությունը մարտնչում էր քաջաբար: Բաշ Ապարանի մարտին մասնակցեց Փամբի գյուղի ծխատեր Տեր Գրիգոր քահանա Յայրապետյանը՝ իր ծխականներից կազմված ջոկատով: Ապարանի Վարդենիս գյուղի ծխատեր Հովհաննես ավագ քահանա Տեր-Մինասյանն առաջնորդում էր Մուշից, Սասունից, Ալաշկերտից և Բայազետից Ապարան ներգաղթածների՝ 200 հոգուց բաղկացած ջոկատը:

Տեղեկանալով թշնամու առաջխաղացման մասին՝ Տեր Հովհաննեսն իսկույն ևեթ գործի է անցնում, շրջանի գյուղերի քահանաների միջոցով եկեղեցիների գանգերի դողանջներով տազանալ է բարձրացնում և ժողովրդին ոտքի հանում՝ զինված դիմադրություն ցույց տալու:

Բաշ Ապարանի ռազմաճակատում թուրքերի առաջապահ զորամասերի վրա առաջին գնդակներն արձակել էին Նիգավանի ծխատեր Տեր Տաճարի և Տեր Հովհաննեսի խմբերը:

Չդիմանալով հայկական ուժերի ճնշմանը և մարտի դաշտում տալով մեծ կորուստներ՝ ջախջախված թշնամին, մարտի դաշտում թողնելով զոհեր և զինամթերք, մայիսի 28-ին նահանջեց դեպի Ալեքսանդրապոլ:

Մայիսի 28-ին Դարպաս գյուղի ծխատեր Տեր Կոմիտաս քահանա Սարգսյանն իր ծխականների հետ Լեռնապատում և Վանաձորի Տարոն թաղամասում դիմադրություն կազմակերպեց:

Հայ ժողովրդի ճակատագրական այս ժամին՝ 1918 թ. մայիսի 28-ին, հռչակվեց Հայաստանի Հանրապետությունը: Հայ աշխարհականը և հայ հոգևորականը միահամուռ ուժերով կերտեցին ՀՀ պետություն և Կառավարություն:

1918 թ. հուլիսի 6-ին Թիֆլիսից հայոց Կառավարությունը տեղափոխվեց Երևան: Մինչ այդ՝ 1917 թ. փետրվարից, Երևանի նահանգը ղեկավարում էր Ազգային խորհուրդը՝ Երևանի հայրապետական թեմի առաջնորդական փոխամորթ հորեն Եպիսկոպոս Մուրադբեկյանի գլխավորությամբ: Անդամներն էին Մ. Մուսիջյանը, Գ. Տեր-Խաչատրյանը, Դ. Չուբյանը, Գ. Տեր-Հակոբյանը, Մ. Հարությունյանը, Ա. Աստվածատրյանը, Թ. Նիկողոսյանը:

Հուլիսի 6-ին Երևան ժամանեց հայոց նորաստեղծ Կառավարությունը, որին ողջունելու համար Գևորգ Ե-ն կազմեց Մայր Աթոռի պատվիրակություն՝ Հուսիկ արքեպիսկոպոս Մովսեսյանի գլխավորությամբ: Պաշտոնական ընդունելությունը տեղի ունեցավ հուլիսի 7-ին: Հուսիկ արքեպիսկոպոսը և խորեն



Ս. Հարությունյան, Վերջ Գողգոթային. Հաղթություն, 2018 թ.

Եպիսկոպոսն այցելեցին կառավարության անդամներին: Հուսիկ Սրբազանը ողջունեց Հայաստանի նորաստեղծ Կառավարությունը. «Ազգիս Յայրապետն ողջունում է և օրհնում է Հայաստանի Հանրապետության պաշտոնյաների գալուստը: Նորին Սրբությունը Մայր Աթոռի միաբանների հետ աղոթում է և խնդրում Աստուծո կարողություն և հաջողություն երկրի վերակազմության շինարար գործում»:

1919 թ. մայիսի 16-ին ՀՀ Կառավարության կողմից ընդունվեց Երևանի համալսարանի հիմնադրման որոշումը: Շուտով հաստատվեց համալսարանական կազմակերպիչ հանձնաժողովի անդամների կազմը, որի մեջ ընդգրկվեցին նաև Մայր Աթոռ Ս. Էջմիածնի ճեմարանի տեսուչ Գարեգին Եպիսկոպոս Հովսեփյանը և Վիրահայրության նախկին առաջնորդ Մեսրոպ Եպիսկոպոս Տեր-Մովսիսյանը: Հետագայում Մեսրոպ Սրբազանը համալսարանում դասավանդում էր հունարեն, լատիներեն և հայոց պատմություն:

1920 թ. հունվարի 25-ին Մայր Աթոռի վանական խորհրդի և միաբանական ժողովի նախագահ Մատթեոս Եպիսկոպոս Մատթևոսյանը Մայրավանքի միաբանության կողմից Երևանի համալսարանի ռեկտոր Յուրի Դամբարովին նամակ ուղարկեց Ալեքսանդրապոլ. «Էջմիածնի միաբանությունը մեծ հրճուհանքով ողջունում է Ազատ Յայաստանի անդամների համալսարանի բացումը, հաւատում է, որ գիտական այդ հաստատությունը պիտի Հայաստանի բնակչության կուլտուրական-քաղաքակրթական կենտրոնի հզոր զարկերակը լինի»:

1920 թ. հունվարի 31-ին Ալեքսանդրապոլում տեղի առևտրական դպրոցում, հանդիսավոր բացվեց Երևանի համալսարանը, որտեղ ընթերցվեց Գևորգ Ե Կաթողիկոսի կողմից: Սկզբում համալսարանի պատմալեզվաբանական ֆակուլտետի ղեկավար էր Մեսրոպ Եպիսկոպոս Տեր-Մովսիսյանը, իսկ հետո՝ Գարեգին Եպիսկոպոս Հովսեփյանը:

1920 թ. մայիսին տեղի ունեցավ հայ բուլշևիկների ապստամբությունը: Գևորգ Ե Կաթողիկոսը պաշտպանեց Հայաստանի Հանրապետության անկախությունը և ազգային Կառավարությանը և հայ ժողովրդին կոչարեց վճռական պայքարի ելնել հայրենիքի նորահայտ «փրկարարների» դեմ: Կաթողիկոսի կոչի մեջ մասնավորապես գրված էր. «Մենք, որ ապրել և ապրում ենք հայրենիքի միութեան և ազատութեան յոյսով, այսօր հայ կենցիկ վերածնութեան զարման արշալույսի առկայեման օրերին, վշտով տեսնում ենք, թե ինչպես մոռացել ենք մի ընդհանուր լեզու ու նպատակը, հայ կենցիկի շարժող արիւնի տակ, տեսնում ենք, թե ինչպես անյայտ, անորոշ, մշուշապատ գաղափարներով տարուած մարդիկ փոսեր են փորում Միացեալ և անկախ հայրենիքին ծանր վտանգներ սպառնացող անկախ օրերում՝ փոխանակ մի ընդհանուր գործի շուրջը համախմբուելու, մարդիկ անհատական և խմբական ջլա-

տիչ գործողութիւնների են դիմում, հայրենի մաւր անխաղախ նաւահանգիստ հասցնելու ծանր աշխատանքների այս դառն օրերում...

Մենք, ինչպէս և մեր երջանկալիշատակ նախնիքները, որ աշխատանք են թափել տաճկահայ դատի համար, լաւ օրերի, յոյսի անկեղաւութեամբ, չենք կարող անտարբեր մնալ այս մեղ րոպէներին և երբ վտանգուած ենք տեսնում հայրենիքի միութեան գործը, բայց նամանաւանդ հայ ազգի ֆիզիկական գոյութեան ճգնաժամային գործը, իբր ընդհանրական հայրապետ, մեր սրբազան պատրք ենք համարում այս ծանր, կասեցր օրհասական րոպէներին հայկական խրատով դիմել բոլորին և զգաստութեան կոչ անել — Հայ ժողովուրդ, համախմբուվի՛ր թո հայրենի Հանրապետության պահպանութեան գործի շուրջը. դա՛ է թո հայրենիքի փրկութեան միակ ճանապարհը»:

Այս կոչով կաթողիկոսը կատարում էր այն, ինչին սպասում էր երկրորդական առջև մտամուր կանգնած հայ ժողովուրդը: Այդ դժվարին

ժամանակներում իր աջակցությամբ և օրհնանքով Վեհափառ Յայրապետն անցավ անկախ Հայաստանի պաշտպանների կողմը և այդպիսով հանրավորինս հետաձգեց բուլշևիկյան Ռուսաստանի ժամանումը Հայաստան: Վեհափառ Յայրապետի կոչը լավեց: Ժողովուրդը, ոգևորված այդ կոչով, զենք վերցրեց, հաղթեց բուլշևիկներին, որոնք ժողովրդի լայն խավերի մեջ չուներին աջակցություն: Երևի թե գտնվելով ծայրահեղ դժվարին պայմաններում՝ ՀՀ Կառավարությունն առաջարկել էր Մայր Աթոռին կնքել մի դաշնագիր, որի համար Մայր Աթոռին տրվելու էր լայն ինքնավարական պայմաններ, ընդհուպ անկախ պետության լիազորություններ:

1920 թ. սեպտեմբերի 24-ին սկսվեց թուրք-հայկական պատերազմը, որը ձգվեց մինչև դեկտեմբերի 2-ը: Սեպտեմբերի 28-ին թուրքական զորքերը գրավեցին Սարիաբադի լեռը և Կաղզվանը՝ մոտենալով Իգդիրին: Այս պատերազմը ճակատագրական նշանակություն ուներ հայ ժողովրդի ֆիզիկական գոյության պահպանման տեսանկյունից:

1920 թ. հոկտեմբերի 12-ին Գևորգ Ե Կաթողիկոսը հանդես եկավ «Հոգևորականների մասնակցութիւնը» կոնդակով՝ հայ ժողովրդին ոգևորության և պայքարի կոչելով ու հենց այդ առթիվ հիշեցնելով Ավարայրը՝ մշտնջենով, որ այժմ էլ պետք է կռվեն Վարդանանց նման: Նա մասնավորապես ասում էր. «Հայ Չորապետներ, յիշեցէ՛ք հայրենիքի եւ եկեղեցու պաշտպան Մ. Կարոյանին, վերցրէ՛ք ձեր գլխարկները, խաչակնքեցէ՛ք ձեզ հանուն հայրենիքի եւ սուրը ձեռքին խոյացէ՛ք արծօրէն թշնամու վրայ, եւ թող ձեր սպայակոյտը եւ քաջարի զինուորները ձեր յետևից բազմեցնէին նման հետևիկն ձեզ»:

Այս կոնդակը Գարեգին Եպիսկոպոս Հովսեփյանը կարդաց Ալեքսանդրապոլում, իսկ Սևանի մենաստանի վանական կառավարության նախագահ և Նոր Բայազետի գործակալ Եզնիկ վարդապետ Վարդանյանը՝ Նոր Բայազետում և Վարդենիսում:

Հոկտեմբերի 30-ին թուրքերը գրավեցին Կարսը, որտեղ գերի ընկան երկու հայ գեներալներ՝ Դանիել Բեկ-Փիրումյանը և Քրիստափոր Արարատյանը, 30 սպա և մոտ 3 հազար հայ զինվորներ: Գերի ընկածների մեջ էր նաև խիզախ Գարեգին Եպիսկոպոս Հովսեփյանը: Հինգ օրից հետո թուրքական բանակը մոտեցավ Ալեքսանդրապոլին: Թուրքական զորքի հրամանատար Ք. Կարաբեքիր փաշան պահանջեց հանձնել Ալեքսանդրապոլը, և մոյեմբերի 7-ին թուրքական զորքը մտավ Ալեքսանդրապոլ: Նոյեմբերի 11-ին թուրքերը գրավեցին Հարթազյուղի և Արգինայի կայարանները և երկու ուղղությամբ շարժվեցին դեպի Երևան:

Դեկտեմբերի 3-ին Հայաստանը խորհրդայնացվեց, դաշնակցականները թուրքերի հետ ստորագրեցին Ալեքսանդրապոլի պայմանագիրը, որը չիրագործվեց, որովհետև Հայաստանն արդեն իսկ դարձել էր խորհրդային հանրապետություն:

Ի՞նչ դեր ունեցավ Սարգսյանի ճակատամարտում Հայ Եկեղեցին, և ինչո՞ւ մեր օրերում լուծարվեց ՀՀ ՁՈՒ Հոգևոր առաջնորդությունը

Սարգսյանի հերոսամարտը Հայոց պատմության այն բացառիկ էջերից է, որտեղ Եկեղեցու դերն ու հոգևորականի կերպարը դուրս եկան ավանդական սպասվողական սահմաններից՝ դառնալով ազգային գոյության պահպանման առաջնությունը: Երբ թուրքական զորքերը մոտենում էին Եջմիածնին, և զինվորական հրամանատարությունն առաջարկում էր Կաթողիկոսին անվտանգության նկատառումներով տեղափոխվել Ասան, Վեհափառը կայացրեց պատմական որոշում՝ անվարան մնալով Մայր Աթոռում և պատրաստ լինելով մեղմելու տաճարի շեմին: Վեհափառի հրամանով՝ մայիսի 21-29-ը ութ օր շարունակ, անդադար դողանջեցին Մայր Աթոռի և շրջակա բոլոր եկեղեցիների զանգերը՝ տազնապ հնչեցնելով և ժողովրդին կոչ անելով զինվորագրվելու հայրենիքի պաշտպանությանը: Եվ սա ստեղծեց համազգային հզոր զարթոնքի մի աննախադեպ մթնոլորտ:

Հայ Եկեղեցին Սարգսյանի պատմում էր ոչ միայն աղոթքով, այլև զենքով: Հոգևորականները կազմեցին առանձին ջոկատներ և դարձան զինվորների կողքին մարտնչող ուժեր՝ «վասն հաւատոյ և վասն հայրենեաց»: Բազմաթիվ սարկավազներ, վարդապետներ ու քահանաներ իրենց զգեստների վրա կապեցին փամփշտակայներ և դարձան մահապարտներ՝ սեփական օրհնակով ցույց տալով, որ հայրենիքի պաշտպանությունը սուրբ գործ է: Եկեղեցու ներկայությունը ճակատամարտին հաղորդեց սրբազան բնույթ: Ձիմվորը հասկանում էր, որ կռվում է ոչ միայն հողի, այլև իր հավատքի և սրբությունների համար: Մարտից առաջ հոգևորականները կատարում էին նաև ընդհանրական խոստովանություններ և բաշխում Ա. Յաղողոթություն, ինչը զինվորին տալիս էր հոգևոր անրություն, անասանություն և մահն անտեսելու ուժ: Մայր Աթոռ Սուրբ Էջմիածինը վերածվել էր ռազմական ճամբարի և կազմակերպչական կենտրոնի: Եկեղեցու միջոցներով և ջանքերով կազմակերպվում էին ժողովրդական աշխարհագրի սնունդը, հագուստը և բժշկական օգնությունը: Գնակատարներին զուգահեռ՝ Եկեղեցին շարունակում էր հազարավոր գաղթականներին խնամքի տրամադրումը՝ թույլ չտալով, որ թիկունքում քառու սկսվեր, ինչը կթուլացներ ռազմաճակատը: Առանց Եկեղեցու վճարական կեցվածքի և հոգևորականների անձնական սխրանքի՝ Սարգսյանի հաղթանակը՝ որպես հոգու և կամքի պատմական հաղթանակ, հազիվ թե հնարավոր լիներ:

Հայաստանի նորագույն ժամանակներում Հայոց բանակում 20 և ավելի տարի հոգևոր ծառայությունը իրականացրած ՀՀ ՁՈՒ Հոգևոր առաջնորդությունը, ինչպես հայտնի է, 2026 թ. հունվարի 29-ին, ՀՀ պաշտպանության նախարարի հրամանով, լուծարվեց: Դա պարզապես վարչական որոշում չէր, այլ մեր նորագույն պատմության մեջ մի աննախադեպ հետքայլ, որ հարված հասցրեց բանակի և ընդհանրապես հայ մարդու հոգևոր անվտանգության հիմքերին և մեր ժառանգորդական հիշողությանը:

Եկեղեցու տեսնեմք, թե ինչից զրկվեց Հայոց բանակը:

1. ՀՀ ՁՈՒ հոգևոր սպասավորությունը եղել է հայկական բանակի մարտունակության և զինվորի հոգեկան տոկոսության անբաժանելի մաս, ներքին ամրության, կարգապահության և զինվորի հոգեկան առողջության կարևորագույն հենասյուներից մեկը:

2. Հոգևորականն այն մարդն է, որ զինվորի կողքին էր ամենածանր պահին՝ պատերազմի ժամանակ՝ փարատելով մահվան վախը, որի դեմ միակ իրական մխիթարությունը հավատն է Աստծո ներկայության մեջ հավիտենական կյանքի և նահատակության սուրբ պսակի համոզումը:

3. Հոգևորականն աղոթքով, հոգևոր զրույցով օգնել է զինվորին ամոքելու պատերազմների, մարտական առաջադրանքների ընթացքում ստացած հոգեբանական վերքերը՝ մարտընկերների կորուստը և այլն, որոնք աշխարհիկ հոգեբանությանը հաճախ անհասանելի են:

4. Հոգևորականը եղել է բանակի խիղճն ու զինվորի հոգևոր թիկունքը:

5. Հոգևորականի ներկայությունը զինվորի մեջ վառ է պահել պատմական հիշողությունը, հոգևոր դասի և աշխարհականի միասնության կարևորությունը:

6. ՀՀ ՁՈՒ հոգևոր սպասավորության եկեղեցիներում զինվորականները (ծառայող կամ բուժման մեջ գտնվող), բուժանձնակազմն ստանում էին հոգևոր սնունդ՝ Ա. Յաղողոթությամբ և Ավետարանի քարոզով:

7. Եկեղեցին կառուցվում և օծվում է որպես Աստծո տուն: Այնտեղ Ա. Պատարագի մատուցման դարձարեցումը տվյալ վայրից Աստծո օրհնության ու շնորհի հոսքի կասեցում է: Աղոթքի ու Պատարագի բացակայությունը եկեղեցին դարձնում է հոգևորապես անպաշտպան:

8. Հայ զինվորը հաղթել է նաև հավատով: Մեր նորագույն պատմության մեջ Շուշիի անառիկ բերդի ազատագրումը խաչը մեջքին կրող հայ զինվորականների կողմից եղավ նաև Աստծու շնորհով, հոգևորականի օրհնությամբ և աղոթքով:

9. Հոգևորականը պատերազմի արհավիրքներից հետո օգնել է զինվորին՝ վերադառնալու բնականոն կյանքին և հաղթահարելու հետպատերազմյան սինդրոմը:

10. Բանակում հոգևորականի բացակայությունը, որպես կանոն, հանգեցնում է ինքնասպանությունների, բարոյաքայքայման և կարգապահական խնդիրների աճի:

11. Բանակում հոգևորականն այն անձն էր, որ կարողանում էր սփոփել, աղոթքով, հուղարկավորության կամ բժշկության կարգերով մխիթարել զոհվածների կամ վիրավորների հարազատներին:

Այսպիսով՝ ՀՀ ՁՈՒ հոգևոր առաջնորդության լուծարումը ոչ թե առաջադիմություն է, այլ հոգևոր ճակատում ռազմավարական միտումնավոր կամ անգիտակից սխալ, որը խոցելի է դարձնում մեր զինվորի հոգևոր զրահը:

ՊՆ-ի՝ ՀՀ ՁՈՒ Հոգևոր առաջնորդության լուծարումից հետո բանակում հաստատվել է հոգևոր ծառայության մոր մախթոխնակ, ըստ որի՝ գնդերը հոգևորականները փոխարինվում են ՀՀ ՁՈՒ ԳՇ Բարոյահոգեբանական հաստիքային սպաներով: Երևույթը հասկանալի է, թե իրականում ինչ փոփոխություն է եղել Հայոց բանակում հոգևոր սպասավորությունը, և ինչն ընդհանուր առաջադրանք էր ՀՀ ՁՈՒ Հոգևոր առաջնորդությանը, և ինչն ընդհանուր առաջադրանք էր ՀՀ ՁՈՒ Հոգևոր առաջնորդությանը:

1. Եթե մինչ լուծարումը գնդերեցը բանակում կոչվում էր հոգևորական՝ քահանա կամ սարկավազ էր, ապա այսուհետ սպա է, որ բնավ կարող է հոգևորական չլինել: Դրանով դուռ է բացվում տարատեսակ եկեղեցատյաց և կրոնական բնույթ կրող տարրերի ներթափանցման համար:

2. Եթե մինչ լուծարումը գնդերեցը բանակում հոգևոր աստիճան ուներ, ապա այսուհետ նա բացառապես զինվորական է: Քահանաներ այլևս չեն լինի, իսկ սարկավազներին կտրելու են Մայր Եկեղեցու ենթակայությունից:

3. Եթե մինչ լուծարումը գնդերեցն ուներ երկակի ենթակայություն՝ Մայր Եկեղեցուն և ՊՆ-ին, ապա այսուհետ միայն բանակին:

4. Եթե մինչ լուծարումը գնդերեցը կրում էր հոգևոր զգեստ, չէր կրում զենք, ապա այսուհետ պարտավոր է կրել զինվորական համազգեստ, անհրաժեշտության դեպքում՝ քայլել շարային քայլերով:

5. Եթե մինչ լուծարումը գնդերեցը հոգևոր հայր և Եկեղեցու սպասավոր էր, ապա այսուհետ՝ բարոյահոգեբանական մասնագետ:

6. Եթե մինչ լուծարումը գնդերեցը եկեղեցու կողմից էր առաջադրվում, ապա այսուհետ մշակակվելու է ՊՆ-ի կողմից:

7. Եթե մինչ լուծարումը գնդերեցը միաժամանակ ենթակա էր զորամասի հրամանատարին և ՁՈՒ-ի հոգևոր առաջնորդին, ինչը մշակակում էր, որ հրամանատարը հակաեկեղեցական որոշումով չէր կարող նրան դնել անելանելի վիճակի մեջ, ապա այսուհետ այդ հակակշիռը վերանում է, և նա դառնում է հրաման կատարող անձ:

8. Դառնալով սպա՝ հոգևորականն այլևս չի կարող առարկել հրամանատարին, եթե վերջինս արձակի հոգևորական կամ հակաեկեղեցական հրամաններ:

9. Հոգևորականն ստիպված է լինելու մասնակցել զինվորական վարժանքների, ինչը հեռացնում է նրան իր բուն հոգևոր առաքելությունից:

10. Գնդերեց հոգևորականների հիմնական առաքելությունը բանակում հոգեփրկչական էր, իսկ այսուհետ այդ ծառայությունը սահմանափակվելու է զուտ բարոյահոգեբանական դաստիարակությամբ, որն արդեն առկա էր ի դեմս ԲՀԱ սպաների ու սպա հոգեբանների ծառայության:

11. Հոգևորականի դերը հոգևոր հորից վերածվում է բարոյահոգեբանական աջակցի: Սա զրկում է զինվորին խոստովանության և հոգևոր խորհուրդների այն անկախ հարթակից, որը չէր վերահսկվում հրամանատարության կողմից: Ձիմվորն այլևս չի ունենալու հոգևոր հայր, որին կարող է խոստովանել և վստահել իր անձնական գաղտնիքները՝ առանց վախենալու այդ հարցերում հրամանատարության վերահսկողությունից:

12. Ձիմվորը բանակում կունենա ոչ թե

հոգևոր հայր, այլ սպայական կոչումով «կրոնական աշխատող», որը պարտավոր է հնազանդվել ոչ թե Աստծուն և իր ուխտին, այլ վերահասի՝ սպայի հրամանին:

13. Չորամասերի և զինվորական հուսալիտաների եկեղեցիներն ու մատուռները փաստացի զրկվում են կանոնավոր հոգևոր սպասավորությունից՝ Պատարագներից, ժամերգություններից, զինվորական ու ռազմաբժշկական անձնակազմերին և բուժառուներին Ա. Յաղողոթության բաշխումից, Ս. Սկրտության արարողություններից:

14. Բանակում այլևս մկրտություն անցկացնող հոգևորական չի լինի, որը կարևոր դեր ուներ հատկապես մարտական իրավիճակներում:

15. Հոգևոր սպասավորության կուռ համակարգից դուրս են մղվում 20 և ավելի տարվա փորձ ունեցող, պատերազմների թոհուրեհում թրծված գնդերեց հոգևորականներ:

16. Առանց եկեղեցու՝ նոր «գնդերեցները» կարող են քարոզել Առաքելական Եկեղեցու դավանանքին հակառոտ դրույթներ, հակաեկեղեցական օրակարգեր՝ հրամանին չենթարկվելու վախից դրդված կամ հենց նման գաղափարների կրող լինելով:

17. Նորամուծ «գնդերեց» լինելու է եկեղեցու նվիրապետությունից կտրված, Աստծո խոսքը կրող մախկին բազմափորձ հոգևորական իր տեղը զիջելու է պարզապես «հոգևոր կրթությամբ մասնագետի», որն առաջնորդվելու է վարչական հրահանգներով:

18. Պատերազմի արհավիրքների միջով անցած զինվորականին առաջարկվելու է հոգեբանական դասախոսություն, այնինչ նրան ավելի անհրաժեշտ են սփոփող Աստծո Սուրբ Հոգու մխիթարությունը, աղոթքը, հավատքի ամրությունը, հոգևոր խնամքը, խոստովանությունը, թողությունը հոգևորականի կողմից: Այս որոշմամբ՝ բանակից հեռացվել են հոգևորականներ, որոնք տասնամյակներ շարունակ Աստծո շնորհով հոգևոր բժշկություն են պարզել զինծառայողին:

Այսքանից հետո եզրակացությունը թողնում են ընթերցողին՝ արդյո՞ք սա «բարեփոխում» է, թե՛ Եկեղեցու ինստիտուցիոնալ ներկայության վերացում բանակից: Հոգևորականը դադարում է լինել հոգևորական, եկեղեցու հոգևոր պատվիրակը բանակում վերածվում է պետական կառավարելի պաշտոնյայի: Այլ կերպ ասած՝ Ձիմված ուժերը դուրս է բերվում եկեղեցու հոգևոր ներգործության դաշտից: Կազմալուծված ՀՀ ՁՈՒ Հոգևոր առաջնորդության ծառայակիցների զննահատմամբ՝ սա ոչ թե բարեփոխում է, այլ Եկեղեցուն բանակից «վտարելու» և նորամուծ «գնդերեցներին» հրամակազմի կամակատար դարձնելու գործընթաց: Ձիմվոր կանգնեցված «գնդերեցը» զրկվում է Աստծո և Եկեղեցու անունից ազատ խոսելու իրավունքից և դառնում հրամաններ կատարող:

Սամվել դպիր ԳՐԻԳՈՐՅԱՆ
Տ. Տրդատ քահանա ԳԵՎՈՐԳՅԱՆ
(ճախկին գնդերեց)

Լինելության ուխտը

← էջ 6
Երբ Մարիամն ասաց. «Ահավասիկ ես մնում եմ Տիրոջ աղախինը, թող քո խոսքի համաձայն լինի ինձ» (Ղուկ. Ա 38), նա կատարեց մի ընտրություն, որը փոխեց տիեզերքի ընթացքը: Նա ընտրեց լույսը՝ գիտակցելով, որ այդ լույսը տանելու է դեպի Գողգոթա: Հայ ժողովուրդն իր պատմական քառուղիներում՝ քրիստոնեության ընդունումից մինչև այսօր, հաղթահարել է հենց այս ծածկագիրը՝ գիտակցված «այր» ասելով իր ինքնությանը, նույնիսկ երբ դրա գինը եղել է խաչելությունը:

«Ոչ թե իմ կամքը, այլ քոնը թող լինի» (Ղուկ. ԻԲ 42), այնպես էլ հայը դարձրեց շարունակ իր կամքը ձուլել է աստվածային արդարությանը և ճշմարտությանը: Մեր «այր»-ն եղել է ստեղծարար ուժ: այն ծնել է մշակույթ, լեզու և պետականություն այնտեղ, որտեղ տիրում էին ավերակ ու մահը: Սա այն քաջությունն է, որը ծնվում է խոնարհությունից՝ ընդունել սեփական ճակատագիրը և այն վերածել փրկության ճանապարհի: Այս ընտրությունն է մեզ դարձնում այն, ինչ կամք՝ ուխտի ժողովուրդ: Մենք չենք ընկրկել ցավի առջև, քանի որ մեր «այր»-ն միշտ ունեցել է հարության հույսը: Այս ազգային ծածկագիրը մեզ սովորեցրել է, որ իրական հզորությունը ոչ թե ուրիշին տիրելը, այլ սեփական ոգուն տիրապետելն է:

Ամփոփելով՝ կարող ենք պնդել, որ Աստվածամոր «այր»-ն հայոց հավաքական գիտակցության մեջ վերածվել է գոյաբանական հաստատման: Մենք ասել ենք «այր» մեր լեզվին, մեր հողին և մեր Տիրոջը՝ գիտակցելով բոլոր զրկանքները, բայց նաև տեսնելով այն երկնային պսակը, որ սպասում է համբերողներին: Հայ լինելը հենց այդ հավերժական «այր»-ին տեր լինելն է և այն ամեն օր վերահաստատելու սխրանքը, քանզի «Ով մինչև վերջ համբերի, նա պիտի փրկվի» (Մատթ. Ժ 22):

Հովհաննես սրկ. ԷՎԻՆՅԱՆ
Դիանա ՔՈՉԱՐՅԱՆ

ՔՐԻՍՏՈՆՅԱ ՅԱՅԱՍՏԱՆ
Կրոնական, մշակութային, լրատվական երկշաբաթաթերթ

Հիմնադիր՝
Մայր Աթոռ Սուրբ Էջմիածին

Հրատարակիչ՝
«Քրիստոնյա Հայաստան» թերթի խմբագրություն

Գլխավոր խմբագիր՝
Նարինե Հովհաննիսյան

Գրանցման վկայական՝ 624
Խմբագրության հասցեն՝
Մայր Աթոռ Սուրբ Էջմիածին

Հեռախոս՝ (010) 517 280
Էլ. փոստ՝ qristonyahayastan1@gmail.com
qristhay@etchmiadzin.am

web կայք՝
krishayas.wordpress.com
etchmiadzinlibrary.am/en/
kristonya-hayastan

Ստոր. տպագր. 1.06.2026 թ.
Տպաքանակը՝ 915